

SHALOM

 Misaotra anao, betsaka tokoa, Rahalahy Isaacson. [Manomboka miresaka mikasika lehilahy izay tratry ny homamiadana Rahalahy Isaacson. Elanelana tsy voaraki-peo—Mpand.] . . . Isaacson.

Manao ahoana, ry sakaiza, afaka mipetraka ianareo. Hia. Tsara ny tafaverina eto ambadiky ny tany efitra. Fantatrareo, izahay . . . Mino aho, tamin'ny fotoana farany naha-teto ahy, dia nomeko anarana ity toerana ity hoe, “ilay ambadiky ny tany efitra.” Any foana mazàna no ahitantsika ny—ny Tompo, na tany no nahitana Azy indray mandeha rehefa niandry ondry tany ambadiky ny tany efitra Mosesy.

Ity lehilahy eto ity, nahita azy aho, tao amin'ilay fitaratra fijereny ny any aoriana, vao tsy ela akory izay, tonga. Nandre aho, indray andro, fa tany amin'ny hopitaly izy. Nivavaka ho azy aho, ary indro izy fa mipetraka eto, izao maraina izao. [Hoy ny olona iray hoe, “Mety tsara izy.”—Mpand.] Eny, tsara izany. Tena faly aho. Nanana fahavakisan-drà izy. Ary noho izany, dia tena faly isika mahita azy ato, izao maraina izao.

Miala tsiny tamin'ny fandrenesana mikasika an'io rahalahy izay niaraka taminay io, tamin'ny fotoana farany teto, izay tratry ny homamiadana, tao amin'ny hopitaly. Fantatsika fa lèlambe tokana ihany no ananantsika hivoahana amin'izany, ary izany dia ny lèlamben'ny fahafatesana. Fa, isika rehetra dia tsy maintsy mandeha eo amin'izany lèlana izany, na dia ilay marina indrindra aza isika, ny anankiray masina indrindra amintsika, mifampitontra ny fasan'ilay iray hafa isika. Kanefa hoy Jesosy hoe, “Izay mino Ahy dia tsy ho faty intsony.” Saingy ny hoe “fahafatesana” eo, dia tsy izay antsaintsika hoe fahafatesana.

² Tahaka an'i Jesosy rehefa niresaka mikasika an'i Lazarosy, hoy Izy hoe, “Matory izy.”

Dia hoy izy ireo hoe, “Eny, izahay dia . . . Tsara ihany raha matory izy.”

³ Tamin'izay fotoana izay Jesosy dia nilaza, tsy maintsy niteny tamin'izy ireo tao amin'ny fiteny izay fantatr'izy ireo, hitanareo hoe, “Maty izy.” Hoy Izy hoe, “Ary nohon'ny aminareo, dia faly Aho fa tsy tany Aho, saingy handeha hamoha azy Aho.” Hitonareo?

⁴ Ary tamin'izany no Nanaovany an'io fanononana mahafinaritra izay ananantsika ao amin'ny Soratra io hoe, “Izay mandre, izay mino Ahy, no manana Fiainana mandrakizay; tsy ho tonga amin'ny fitsarana, fa efa tafafindra avy amin'ny fahafatesana ho amin'ny Fiainana. Izaho no fanangana sy

Fiainana. Izay mino Ahy, na dia maty aza izy, dia mbola ho velona. Ary na iza na iza velona ka mino Ahy, dia tsy ho faty intsony.” Hitanareo? Tsy maty intsony! Tsy misy...Tsy misy fahafatesana raha ny marina ho an’ny Kristiana iray. Izy...

Fahafatesana dia midika hoe “Fisarahana mandrakizay.”

⁵ Ary ankehitriny rehefa isika no...maty, tahaka ny ao amin’ny tena ara-batana arak’izay misy antsika ankehitriny, dia tafasaraka amin’ny iray hafa isika. Saingy, raha ny marina dia ity vatana ity no zavatra tokana izay manondro antsika amin’ny tsirairay hafa, satria voafatotra ao amin’ny taovam-panamboloana dimy isika: mahita, manandrana, mahatsapa, manimbolo, ary mandre. Ary raha mbola afaka mahita foana isika na mifampitsapa, nahoana, dia manana porofo isika fa eto isika. Raha jamba ianareo ka tsy afaka, ka—ka tsy afaka mahita, amin’izay fotoana izay dia afaka mifampitsapa ianareo, ary isika...na mifandre. Ary ireo taovam-panamboloan’ny tany no ifankahalalana.

⁶ Fa, raha ny marina, am-pahatsorana, dia tsy nifankahita mihitsy isika. Efa fantatrareo ve izany? Tsy nifankahita mihitsy isika. Mandre zavatra miresaka avy amin’ny vatana iray ianareo eto izay maka tahaka an’izay rehetra ao anaty. Koa noho izany rehefa mifampiresaka isika, isika dia—tsy miresaka amin’ilay vatana isika raha ny marina. Ilay fanahy ao anaty izany, saingy ilay vatana no zavatra izay manondro an’ilay fanahy izay ao anaty. Ary noho izany, rehefa mifampiresaka isika, isika dia... afaka mahazo haingana eo no ho eo na Kristiana isika na tsia, satria misy fiombonana iray ao amin’ilay fanahy izay iresahantsika. Hitanareo, fa izany no mampifangovingovitra hoe na Kristiana isika na tsia. Noho izany dia tsy nifankahita mihitsy isika.

⁷ Jesosy. “Tsy misy olona nahita an’Andriamanitra na oviana na oviana, fa ny lahitokan’ny Ray no nanambara Azy.” Hitanareo? Amin’ny teny hafa, dia voatondro Andriamanitra. Ilay—ilay maha-Olona an’Andriamanitra dia voatondro tao amin’ny Vatana, ny Tompo Jesosy Kristy, noho izany dia Izy no endrik’Andriamanitra voaseho. Na, Andriamanitra maneho ny Tenany amin’ny alàlan’ny endrika iray, hitanareo, amin’ny alàlan’ny endrika iray, Olona. Naneho ny Tenany tamintsika Andriamanitra, ary Andriamanitra Izy. Tsy olona fahatelo na olona faharoa; Izy ilay Olona, Andriamanitra. Izy no Andriamanitra Izy tenany, manondro ny Tenany, mba hahafahantsika mahatsapa Azy.

⁸ Timoty Voalohany 3:16, “Tsy misy fanoherana, izany hoe adi-hevitra, fa lehibe ny zava-miafina ny amin’ny toe-panahy araka an’Andriamanitra, fa Andriamanitra dia voaseho, na nampahafantarina, tao amin’ny nofo.” Tsy mahafinaritra ve izany? Andriamanitra! Ary tsy afaka nahazo an’Andriamanitra

mihitsy isika raha nihetsika tamin'ny alàlan'ny Andry Afo iray Izy, sy ny sisa, tahaka ny Nataony. Fa nahazo Azy isika rehefa lasa isan-tsika Izy, hitanareo, rehefa lasa Olona Izy. Tamin'izay fotoana izay dia afaka niresaka tamintsika Izy, ary afaka nahatsapa Azy isika, nahakasika Azy, nikasika Azy, sy ny sisa. Ary araka ny lazain'ny Soratra mazava hoe "nahakasika an'Andriamanitra isika," hitanareo, tamin'ny tènantsika, nikasika Azy tamin'ny tènantsika.

⁹ Ao anatin'ny olona Andriamanitra. Ary manondro ny Tenany ao amin'ny Fiagonany Izy amin'izao andro izao. Ao anatin'ny Kristiana nateraka indray, no manondro Andriamanitra. Ny Tenany, hoe mijanona ho Andriamanitra Izy. Ary ilay izao tontolo izao ety ivelany dia hahafantatra an'Andriamanitra fotsiny ihany rehefa mahita an'Andriamanitra ao amiko sy ianareo izy ireo. Izany ihany no fomba tokana izay hahafantar'an'izy ireo an'Andriamanitra, dia rehefa epistily voasoratra isika, epistilin'ny Soratra, vakian'ny olona rehetra isika. Ary ny fiainana izay iainantsika no mitaratra izay ao anatintsika. Ny olona iray dia voatondron'ireo asa izay ataony. Noho izany dia tokony ho tsara ireo asantsika, hitanareo, tsara foana, satria isika no misolo tena an'i Jesosy Kristy Tompontsika.

¹⁰ Zavatra iray mahafinaritra toy ny inona izany, indrindra rehefa ny—ny lehilahy antitra iray tahaka ahy no mitsangana eto ka—ka mieritreritra ny fiainana izay miha-lefy, izay lasa tany aloha, ary—ary manatrika ho avy anankiray an'ny Mandrakizay iray isika. Ary eo am-pahafantarana fa raha ity fiainana ity fotsiny ihany no ananako fanantenana, dia izaho no ho olona mahantre indrindra izao maraina izao. Fa eo am-pahafantarana fa ity fiainana ity dia a—aloika iray fotsiny ihany an'izay nananantsika amin'ny ho—ho avy. Taratra iray izany, satria izany dia tsy mety ho ilay zavatra tanteraka izay namboarin'Andriamanitra. Tsy manao zavatra izay levona Andriamanitra. Hitanareo? Andriamanitra dia Mandrakizay. Ary, noho izany, ity fiainana izay iainantsika ankehitriny ity, dia mitaratra fotsiny ihany an'izay eo alohantsika. Ilay tena anankiray izay tsy mety maty. Ilay vatana tsy mety levona. Ilay Fiainana izay tsy azo esorina. Hitanareo? Ary noho izany dia marina ny Soratra, rehefa milaza Izy fa manana Fiainana mandrakizay isika, dia manana Fiainana Mandrakizay isika. Tsy ho faty mihitsy isika. Hitanareo, satria ianareo dia lasa... Rehefa nateraka indray ianareo, dia lasa ampahan'Andriamanitra. Hitanareo, ho an'ny Mandrakizay mandrakizay ianareo, tsy ho diso mihitsy. Ampahan'Andriamanitra ianareo, satria Zanany ianareo.

¹¹ Ankehitriny, afaka maka anarana hafa iray aho, ka milaza fa ny anarako dia anarana hafa iray. Afaka maka ny anaran'ny reniko aho, Harvey, izay ho tena akaiky ahy indrindra. Eto

amin'izao tontolo izao, ny reniko dia Harvey, ary noho izany dia afaka maka an'ilay anarana Harvey aho. Saingy ilay rà dia mbola hanaporofo foana fa Branham iray aho. Hitanareo? Satria ampanahany raiko aho. Ary raha mbola manana rà foana aho ato amiko, dia ho ampanahany raiko foana aho. Hitanareo, marina izany. Ary rehefa ateraky ny Fanahin'Andriamanitra aho, dia ampanahany'Andriamanitra aho, izay ihany; voatondro miaraka Aminy aho, hitanareo, hoe Izy no Raiko. Amin'izay fotoana izay dia tokony hitaratra Azy ny fiainako; tahaka ny itarafan'ny fiainako ny raiko teto an-tany tao amin'ny endrika izay nisy azy. Milaza izy ireo fa mitovy betsaka amin'ny raiko aho, koa noho izany àry dia izany no endriny voataratra ao amiko. Ary ny—ny rainareo dia voataratra ao aminareo, sy ireo raiamandreninareo. Ary, toy izany koa, Andriamanitra Raintsika dia voataratra ao amintsika rehefa teraka isika ka—ka nampitoviana tamin'ny Endriny eto.

¹² Ankehitriny, manomboka miresaka aho, tsy ho tonga eo amin'ny lahateniko izay horesahako aminareo mihitsy.

¹³ Nankasitraka foana ny fivoriana an-trano aho, fivoriam-bavaka ao an-trano tahaka an'ity, mihoatra noho—noho izay ataoko fa azon'ny olona heverina fa eritreretiko, satria ireo fivoriana tsara indrindra sy ireo fotoana tsara indrindra an'ny fiombonana dia mazàna ao anatin'ny fivoriam-bavaka ao an-trano tahaka an'ity. Eo amin'izay nahatsapako ho akaiky indrindra an'Andriamanitra, dia rehefa mpino eran'ny tånanana kely fotsiny no tonga miaraka, ary eo no anompoantsika.

¹⁴ Ankehitriny izao maraina izao, heveriko fa isika mipetraka eto dia, telopolo, efapolo, telopolo, ataoko, na zavatra tahaka an'izany, eo am-pansana an'ireo ankizy. Tsy ho fantatro. Izaho dia tsy tsara loatra eo amin'ny—eo amin'ny—eo amin'ny fanisana isa, fa mijery vondron'olona kely fotsiny, satria misy efitra hafa eto, hitanareo, ka tsy hitako ireo olona ao anatin'izy ireo. Ankehitriny, fa rehefa tonga miaraka tahaka an'izao isika, dia tsapako fa manana fifanakaizezana iray isika izay tsy ananantsika rehefa ao amin'ny fiangonana iray lehibe, goavana be isika. Isika, dia afaka manebo ny tenantsika. Izany no antony, izao maraina izao, izay nieritreretako, amin'ny fahatongavana eto, hoe hiresaka amin'ny fiangonana eto aho izao maraina izao, ary ho an'ny pasitera keliny maha-te-ho tia. Tena faly aho mahita ny maro amin'ireo sakalizako eto, ireo Strickers sy ireo rehetra izay—izay tsy hitako nandritry ny fotoana vitsy.

¹⁵ Ary horesahako aminareo izao maraina izao ny Hafatro ho an'ny taona vaovao izay efa nokasaiko horesahana amin'ny Alahady heriny tolakandro ao amin'ny fivoriana any Phoenix, ao amin'ilay trano malalaka. Satria, ato, dia nihevitra aho fa angamba hanao horonam-peo avy amin'izany izy ireo. Fa izaho... Angamba ny Fanahy Masina dia hanome ahy ny—ny fisainana tsaratsara kokoa eto eo anivon'ny andiana mpino

iray, nohon'ny eo anivon'i Phoenix angamba, fantatrareo, izay ny finoana sy ny tsi-finoana, ary ireo finoanoam-poana sy—sy ny sisa no mifangaro miaraka. Ary amin'izay fotoana izay ireo rahalahy raha nanana, ka mamela ny horonam-peo hivoaka, izany dia ho—ho tsaratsara kokoa ny hanaovana azy tahaka an'izany, satria hanana horonam-peo iray tsaratsara kokoa ianareeo avy eto. Nangataka tamin'ireo zazalahy aho mba handinika an'ireo fivoaham-peo aloha. Ary rehefa tonga aho aninkeo maraina, dia niteny tamiko Rahalahy Terry fa tsara ireo fivoaham-peo. Noho izany, izany dia—tsara izany. Noho izany ankehitriny dia ndao isika aloha, mialohan'ny hanatonantsika an'ity raharaha mihaja ity, ary fantatro . . .

¹⁶ Mino aho fa izy ireo no nilaza tamiko hoe ny sasany aminareeo dia hijanova mba hisakafo, handeha hisakafo eny amin'ireo tanimboly eto na any an-trano, na tahaka an'izany, miaraka. Tena mahafinaritra izany. Azoko antoka fa ankasisrahako mihitsy ny mahita anareo rehetra mivory miaraka.

¹⁷ Ary tsapako fa—fa ny Hafatro izao maraina izao dia mitodika amin'ilay Fianganan'Andriamanitra velona, hitanareeo, sy izay inoako fa ity no ampanhan'izany izay mipetraka eto izao maraina izao. Ary ankehitriny mialohan'ny hanatonantsika an'izany ampahany mihaja izany, dia ndao isika hanondrika ny lohantsika vetivety fotsiny ho an'ny vavaka.

¹⁸ Rainay any An-danitra, tena mankasitraka Anao izahay, fa afaka manana tombontsoa mihitsy aza izahay hitodika Aminao amin'ny maha-Rainay, satria ny *Ray* dia midika fa izahay dia naterak'ilay Andriamanitra lehibe izay namorona ny lanitra sy ny tany. Ary tena sambatra izahay ny amin'ity tombontsoa ity, fa afaka mieritreritra ao am-ponay izahay, ary, arak'izany, hoe zanakalahy sy zanakavavy izay Anao izahay. Ary avy eo dia mahita Anao manondro ny Tenanao hentitra tokoa eto afovoanay, hoe Ianao no Rainay, manova ny fisainanay hiala amin'ireo zavatr'izao tontolo izao, ary manova an'ireo antonay sy tanjonay ary toetranay, sy ny lafiny rehetra aminay, mba ho tia Anao sy hino Anao, ary—ary hahafantatra fa marina ireo Fampanantenanao.

¹⁹ Mivory eto izahay izao maraina izao ato amin'ity toerana ity izay antsoinay hoe "ilay ambadiky ny tany efitra," na izaho no miantso azy an'izany, mieritreritra an'izany. Ny antony ilazako an'izany, Tompo, dia tsy ny hitaratra zavatra eo amin'ity andian'olona kely ity, fa, avy amin'ny zavatra izay ho avy amin'ny natioran'ny maha-kely.

²⁰ Saingy miezaka aho ny mieritreritra fa Mosesy, Mpanomponao, no tany amin'ilay ambadiky ny tany efitra, angamba izy sy ny ondriny fotsiny, angamba ny vadiny, Zipora, sy—sy—sy Gersoma, zanany, no mety teo. Izaho . . . Tsy fantatro izany. Fa tany no nahazoan'izy ireo fahatsapana iray izay

nanova an'io mpaminany io, avy amin'ny kanosa mpandositra iray, ho amin'ny asan'Andriamanitra izay nanendry azy ho an'ilay asa, tany amin'ilay ambadiky ny tany efitra. Tany nono tonga voaseho voalohany tao amin'ny fiainan'olombelona ilay Andry Afo, izay araka ny fantatray, fa io Afo io dia nипetraka tao anatin'ny roimemy kely iray an'ny tany efitra, nefy tsy levona izany. Fa—fa ny Voninahitr'Andriamanitra no nampitaratra ny Tenany tamin'ny alàlan'io roimemy io; ary nanaisotra ny kirarony io Mosesy mpaminany io, nanakaiky an'Izany, ka nirahin'Andriamanitra hanafaka firenena iray an'ny vahoakan'Andriamanitra.

²¹ Enga anie ho toy izany indray koa androany, Tompo, eto amin'ilay ambadiky ny tany efitra mba hanesoranay ankehitriny, tahaka ny tamin'izany, ny kiraronay, ny satrokay, ny anay rehetra, ka hametraka an'izany eo ambanin'ny hazo fijalian'i Kristy, ka hanao hoe, "Inty aho, Tompo, iraho aho."

²² Tahio ity pasitera eto ity, ny Rahalahinay Isaacson, rahalahy. Mivavaka izahay mba Hitahianao azy sy ny vadiny, ary ireo ankizy keliny; Rahalahy Stricker, ny vadiny sy ireo ankizy keliny; ary ireo hafa rehetra izay tonga eto izao maraina izao.

²³ Ary mivory eto izahay; tsia, Tompo, tsy ho an'ny voninahitra lehibe iray, na mba ho fantatra amin'ny maha-mpitarika na—anankiray...mpitondra anankiray avy amin'ny zavatra malaza. Izahay dia—eto fotsiny izahay amin'ny maha-mpino manetry tena. Eto izahay satria tia Anao, ary mifankatia izahay. Koa satria mifankahita izahay ka mivory miaraka, dia hitanay fa toy ny hoe misy Andriamanitra betsaka mivory miaraka rehefa mampivory ny tenany ao amin'ny toerana iray manokana ny mpino tsirairay. Ary Jesosy no nilaza hoe, "Raha hanao an'izany amin'Ny Anarako ianareeo, amin'izay fotoana izay dia ho eo afovoanareo Aho." Ary fantatray fa eto Ianao.

²⁴ Mitenena aminay, Tompo. Ary raha ireto naoty kely izay nosoratako eto ireto, sy ireo Soratra izay hitodihana, no any ivelan'ny lèlana, izao maraina izao, an'ilay fisainana izay Tianao ho eritreretinay, amin'izay fotoana izay, Tompo, dia ajanonay fotsiny izany, ka hanao arak'izay Teneninao aminay mba hatao. Tahio izahay ankehitriny, fa mangataka an'izao amin'ny Anaran'i Jesosy Kristy izahay. Amena.

²⁵ Ankehitriny, ao amin'ny famakiana ny Soratra, ny nahazatra ahy dia...talohan'ny nahatonga ahy ho azon-taona, dia afaka nahatsiaro tsara aho. Ary tamin'izany andro izany, izaho...ireo andron'ny hatanorana, dia tsy nitondra hafatra lava aho, angamba telopolo minitra na tahaka an'izany, niditra avy hatrany tao amin'ny fisainana anankiray aho ary nihazona an'izany tao amin'ny fisainako. Fa ankehitriny aho...ny antony ihazonako an'ireto favoriana lava ireto ankehitriny, dia satria manao horonam-peo aho. Hitanareo? Ary ity horonam-peo ity,

ireo zazalahy no manao azy ho horonam-peo ao, hanomboka amin'ny fotoana iray izany, angamba ankehitriny, amin'ny fanombohan'ny vavaka, ary handeha any amin'ny toerana maro, maro izany, saiky manerana an'izao tontolo izao. Noho izany isika ankehitriny dia hiresaka izao maraina izao eo amin'ny an'ny taona vaovaoko...izay antsointsika hoe ny Hafatro amin'ny taona vaovao. Niezaka aho, nanana hafatry ny Krismasy telo, ary fantatro fa ianareo olona eto amin'ny ambadiky ny tany efitra dia manana an'ireo horonam-peo ireo. Ary teo amin'ny—teo amin'ny Hafatro farany tany amin'ny fiangonana, na ny talohan'ilay Hafatro farany, dia teo amin'ny *Ilay Hazavana*. Ary raha tsy manana an'io horonam-peo io ianareo, dia azoko antoka fa hankasitraka an'izany ianareo. Nankasitraka an'izany betsaka tokoa aho, ilay tsindrimandrin'izany, izay nomen'ny Tompo ahy.

²⁶ Ankehitriny androany, satria miatrika ny taona vaovao isika, izaho—tiako ny hieritreritra tsy toy ny tamin'ny lasa, fa tiako ny hibanjina ny ho avy. Hitanareo? Araka ny nolazain'i Paoly hoe, “Manadino an'ireo zavatra izay tany amin'ny lasa, mandroso manatratra an'ilay marika aho, hitanareo, an'ny fiantsoana avy any amin'ny avo.” Ary satria voaseho izany, tahaka ny mijery any aoriana amin'ny alàlan'ny fitaratry ny fiara iray. Mijery an'izay nandalovantsika isika, rehefa mijery amin'ilay fitaratratra fijereny ny any aoriana isika. Ankehitriny isika dia tsy miezaka mametraka ny Hafatra amin'izao andro izao ho toy ny mijery amin'ny fitaratratra fijereny ny any aoriana. Ho ela loatra izany, hitanareo, ireo zavatra izay nataon'ny Tompo. Ary ianareo rehetra dia mahalala tsara an'ireo zavatra lehibe izay efa nataon'ny Tompontsika, dia ny sasany amin'ireo zavatra mahery indrindra izay hany hitako teo amin'ny fiainako, Izy fotsiny—niseho fotsiny nandrity'reeo volana vitsy farany. Ary, fa mankasitraka an'izay efa nisy isika ankehitriny, saingy ankehitriny dia mijery mankany aloha isika. Mijery an'izay handehanantsika isika, ary ao amin'ity 1964 ity.

²⁷ Ary ankehitriny raha te-hamaky ianareo eto, na—na, tiako ny hamaky Soratra sasantsasany, satria ity rehetra ity dia mifototra eo amin'ny Teny Masin'Andriamanitra.

²⁸ Ary eo amin'ny adiny iray sy dimy ambin'ny folo minitra eo sisà no tavela ho ahy ankehitriny, ho an'ity horonam-peo ity. Ary, raha sitraky ny Tompo, dia hiezaka aho ny hamarana azy mba hahafahanareo mahazo ny sakafonareo hariva. Misaotra anareo aho niteny tamiko fa nanana hatrany amin'ny enina ora aho rahariva. Tena nahafinaritra izany.

²⁹ Ndao isika ankehitriny hamadika ao amin'ny Baiboly ao amin'ny toerana anankiroa, ireo boky mifanakaiky miarakaka. Izany dia ao amin'ny Testamenta Taloha. Maka ny lahateniko ho an'ny famakiana aho, avy amin'ny toerana anankiroa, Isaia 62 sy Salamo 60. Ankehitriny ao amin'ny Isaia 62, no havaditsika

ho vakiana aloha. Ary ao amin'ity, dia ampahatsiahivina isika ny amin'ireo hery lehibe an'ny Tompo Andriamanitsika, sy hoe ahoana—lehibe toy ny ahoana Izy, ary mahery toy ny ahoana ny Andriamanitsika. Miala tsiny aho, izany dia ny Isaia 60 raha tokony ny 62. Isaia 60. Eny àry, vakiantsika izany ankehitriny, Isaia 60:1 sy 2.

Mitsangàna, ary mihazavà; fa tonga ny hazavana, ary ny voninahitry ny TOMPO efa miposaka aminao.

Fa, indro, . . . ny aizina no hanarona ny tany, ary aizim-pito no eo amin'ny olona: fa aminao kosa no hiposahan'ny TOMPO, ary aminao no hisehoan'ny voninahiny.

³⁰ “Aizim-pito no eo amin'ny olona.” Ny amin’io, mazava ho azy, io no faminaniana ny amin’ny andro izay iainantsika ankehitriny.

³¹ Ndao isika àry ankehitriny hamadika ao amin’ny Salamo. Mino aho fa mety nisavoritaka kely aho rehefa nandray naoty an’ireo Soratro eto, rehefa tao anatin’ny fahamaikana omaly hariva teo am-panoratana azy ireo, teo am-panoratana an’ity. Salamo 62:1 hatramin’ny 8.

Marina tokoa fa Andriamanitra no ianteheran’ny fanahiko: avy aminy ny famonjeko.

Izy irery ihany no vatolampiko sy famonjeko; izy no fiarovako; tsy hangozohozo be loatra aho.

Mandra-pahoviana no hirohotanareo manohitra ny olona? hovonoina ianareo rehetra: toy ny mirona—mànda mirona iray . . . no, sy fefy mihozongozona.

Misaina fotsiny ihany ny hanongana azy hiala amin’ny fahatsarany izy ireo: mifaly amin’ny lainga izy ireo: izy ireo dia misaotra ny . . . amin’ny vavany, saingy manozona ao anaty izy ireo. Sela.

Ry fanahiko, miantehera amin’Andriamanitra irery ihany ianao; fa ny fanantenako dia avy aminy.

Izy irery ihany no vatolampiko sy famonjeko: izy no fiarovako; tsy hangozohozo aho.

Ao amin’Andriamanitra ny famonjeko sy ny voninahitro: ny vatolampin’ny heriko sy ny fialofako, dia ao amin’Andriamanitra.

Matokia azy amin’ireo fotoana rehetra; ianareo ry olona, loary ny anareo, ny fonareo eo anatrehany: Andriamanitra no fialofana ho antsika. Sela.

³² Ankehitriny, raha nahamarika ianareo ao amin’ny famakiana ny Soratra ao amin’ny Salamo eto, dia manohy milaza izy hoe, “Andriamanitra no vatolampiko.” Fantatrareo ve hoe maneho inona ny vatolampy iray ao amin’ny Baiboly?

Ny *vatolampy* iray ao amin'ny Baiboly, eto, dia maneho "ny fanambaran'Andriamanitra." Hitanareo, "Andriamanitra no fanambarako." Izany Izy, hitanareo. Ny fanambaran'ny Teny dia ny vatolampy.

³³ Satria, Petera indray andro rehefa... Nametraka an'ilay fanontaniana Jesosy hoe, "Ataon'ny olona ho Iza moa Aho ilay Zanak'olona?"

³⁴ Dia hoy ny iray tamin'izy ireo hoe, "Ianao no... Ny sasany amin'izy ireo dia milaza fa Ianao no Mosesy, na Elia, Jeremia, na ny iray amin'ireo mpaminany." Nefa tsy izany ilay fanontaniana.

"Ataonareo ho Iza moa Aho?"

³⁵ Izy, Petera no nanonona, an'ireto teny malaza ireto, ka nanao hoe, "Ianao no Kristy, ilay Zanak'Andriamanitra velona."

³⁶ Hoy Izy hoe, "Sambatra ianao, ry Simona, zanak'i Jonasy, fa tsy ny nofo aman-drà no nanambara an'izany taminao, fa Ny Raiko izay any An-danitra. Ary eo ambonin'ity vatolampy ity!" Hitanareo?

³⁷ Ary miteny i Davida eto hoe, "Andriamanitra no vatolampitsika." Andriamanitra no vatolampitsika rehefa voambara tamintsika Andriamanitra. Lasa vatolampy iray izany, hitanareo. Andriamanitra no vatolampitsika.

³⁸ Ankehitriny, ny lahateniko, ho an'izao maraina izao, dia teny hafahafa iray: *Shalom*. *Shalom*, amin'ny teny Hebreo, dia midika hoe "fiadanana." Ary izany no lazaiko amin'ny Fiagonana izao maraina izao hoe, "Shalom!" Fiadanana izany.

³⁹ Amin'ny teny Finlandais izany dia antsoina hoe *Jumalan rauha*, izay midika hoe "Fiadanana'Andriamanitra" ho aminareo. *Rauha*. Andriamanitra, hitanareo, fiadanana'Andriamanitra, shalom.

⁴⁰ Ny Hafatro ho an'ny taona vaovao dia ho an'ilay Fiagonana voafidy ao amin'i Jesosy Kristy, ho an'ny 1964. Tsy—tsy ireo vondrom-piangonana fotsiny; fa ilay Voafidy, ilay Ramatoa, ilay Ramatoa an'ny—an'ny Fiagonana, Ampakarin'i Kristy, hitanareo, izany no itodihako.

⁴¹ Manatrika isika eto, ao amin'ireo lohahevitra roa izay novakiantsika, an'ireo Soratra roa, raha ny marina, tena fifanoherana iray, ny iray amin'ilay hafa. Ao amin'ny Isaia, dia izao no voalaza hoe, "Mitsangàna, ary mihazavà, fa tonga aminao ny voninahitr'Andriamanitra. Eto ny Hazavana." Ary avy eo ilay tena andininy manaraka mihitsy, hoy izy hoe, "Aizimpito no eo ambonin'ity olona ity." Ary noho izany rehefa ao anatin'ny fifangoaroan'ny Hazavana sy ny aizina isika, nefo avy eo ny filazako ho an'ilay Fiagonana dia hoe "shalom, fiadanana," dia ndao isika hahita ny rehetra mikasika an'izany, hitanareo. Manatrika an'ity taona ity isika, sady miaraka amin'ny aizina no Hazavana. Isika dia...izao tontolo izao dia

ao anatin'ny iray amin'ireo fotoan'ny korontan'aizina izay hany nisy azy; kanefa izy dia mijoro, indray, ao anatin'ny Hazavana voatahy indrindra izay hany namiratany. Ary misy . . .

⁴² Ilay fahasamihafana dia tahaka ny tany amin'ny voalohany fotsiny, rehefa nisy aizim-pito teto ambonin'ny tany. Ary nanomba tambonin'ny rano ny Fanahin'Andriamanitra ka nanao hoe, "Aoka hisy mazava." Dia nanasaraka ny hazavana tamin'ny aizina Andriamanitra. Ary mino aho fa miaina ao amin'izany ora izany indray isika ankehitriny, izay anasarahan'Andriamanitra ny Hazavana amin'ny aizina, ka manosika an'izany mankany amin'ilay ilany hafa an'izao tontolo izao Izzy, mba ahafahan'ny Hazavana ho tonga voaseho. Ary isika dia . . .

⁴³ Noho izany, ilay-ilay Fianganana, ny antony nilazako hoe "Shalom" tamin'izy ireo, dia satria izany no Fiadianan'Andriamanitra. Izany no tiako entina ho anareo izao maraina izao, ho an'ilay taona vaovao, tsy ny hijery any aoriana, fa mijery any aloha isika mankany amin'ilay fiposahan'ny andro vaovao iray. Hany ka, misy zavatra lehibe mipetraka eo alohantsika, ka ireo taona lasa dia ny fifaliana izay nantenantsika, ny fanerena, ny fihavian'ilay Hazavana lehibe. Ary ankehitriny dia afaka mijery an'izany mipozaka eny amin'ny faravodilanitra isika, faritry ny faravodilanitra, mipozaka eo anelanelan'ny mety maty sy ny tsy mety maty izany. Mahita an'izany mipozaka eo anelanelan'ny lanitra sy ny tany isika, avy ao amin'ny tontolo iray voafatotry ny aretina eto an-tany sy mikorontana, mankao amin'ny andro mazava mamiratra iray an'ny Fiaianana tsy mety maty sy vatana iray tsy mety maty ary tany iray tsy mety maty izay tsy ho levona intsony. Izany—izany no "Shalom," ho an'ilay—ho an'ilay Fianganana. Ankehitriny, izao no fotoan'ny Hazavana tonga ho an'ireo mpino, saingy aizim-pito kosa ho an'ny olona. Izaho . . .

⁴⁴ Indray andro dia nireshaka izahay, izaho sy ny vadiko, ary nireshaka izahay mikasika ny—ny ora izay iainantsika. Ankehitriny, ny antony nifidianako an'ity toerana ity, dia tsapako fa toy ny afaka hitsahatra fotsiny aho ka hiresaka aminareo, hitanareo. Hitanareo? Izany dia, toy ny hoe misy fotoana iray izay eo amin'ny olona ka ilay izy dia ny fotoana mampangorakoraka indrindra izay azoko eritreretina.

⁴⁵ Efa nanao ny tena tsaroko indrindra tsy ankitsahatra aho hiezahana hanao, amin'ny tsy fifanarahana tamin'ny olona tao amin'ireo resaka ara-pivavahana; saingy raha tsy afaka nandray ny tanany aho taorian'izany, tsy mampaninona na mety maranitra toy ny ahoana aza ilay zavatra, fa mandray ny tanany, ka manao hoe "izao no ao amin'ny fahazoana tsaratsara kokoa eo amintsika," ary mbola tia an'ilay olona foana (tsy milaza an'izany fotsiny avy eo amin'ny molotro, fa avy amin'ny foko), amin'izay fotoana izay aho dia tsy—tsy afaka hivoaka eo mihitsy ka hanandrana hiresaka amin'ny olona.

Satria, hitanareo, tsy maintsy ataontsika izany, tsy maintsy tia an'ilay olona isika. Hitanareo? Ary mandeha eo anivon'ny olona ao amin'ny karazana kilasy rehetra, sy fombam-pivavahana samihafa ary antoko, sy fivavahana sy ny sisa, ka miezaka mametrakta ny Baiboly, ary manao hoe "ndao isika—ndao isika hiresaka an'izany tsy avy amin'ny fanekem-pinoanareo na avy amin'ny bokin'ny etikanareo, fa avy amin'ny Baiboly." Ary avy eo tsy... Angamba matetika dia mitsangana tena maranitra ny olona; saingy raha manana fisainana iray aho hoe tsy tiako io olona io, amin'izay fotoana izay—amin'izay fotoana izay dia zavatra iray ihany no fantatro, niala tamiko ny Fanahin'i Kristy. Raha izaho—raha afaka mahatsapa aho fa tsy tiako io olona io, dia misy zavatra tsy mety amiko.

⁴⁶ Satria ny Fanahin'i Kristy, rehefa izy ireo... ilay... tamin'ny—tamin'ny fanohomboana Azy, ka ny Olony Manokana no nandentika an'ireo fantsika, ary—ary ny tena Famoronanay mihitsy izay Noforoniny no nametraka an'ireo fantsika, izay Noforoniny, tao amin'ny Nofon'olombelony. Kanefa, tamin'ny fo feno fitiavana, dia niantsoantso Izy hoe, "Ray, mameù azy ireo, tsy fantany izay ataony," hitanareo.

⁴⁷ Ary izaho—tonga teo amin'io toerana io aho. Mino aho fa tsy mahafantatra an'izay ataony ny olona. Izany dia tonga eo amin'ny fotoana izay nahatonga ny olona, toy ny hoe, lasa tena eo ambanin'ny ratsy hany ka—ka zavatra mampangorakoraka izany. Ilay izy dia toy ny hoe misy—misy aloky ny aizina iray eo, eo ambonin'ny olona mihitsy, izay manery azy ireo.

⁴⁸ Tahaka ny, ohatra, ity zavatra iray ity. Nitety nanerana ny firenena ary niresaka, ka ny Tompo Andriamanitra no nanondro, nanamarina Ny Teniny ary naneho fa marina tokoa izany, ary tsy namela na inona na inona ho voalaza ka tsy niseho marina tokoa izay Nolazainy, niresaka an'izany mihitsy ho amin'ny fisiana, sy ny sisa, araka ny Nataony. Dia mipetraka ny olona ka mijery an'izany, nefo manohy avy hatrany ao amin'ireo toerany ihany. Hitanareo?

⁴⁹ Hitanareo, tsy misy tsi-firaharahiana mihitsy, saingy tahaka an'ireo anabavintsika, matetika rehefa miresaka amin'izy ireo aho mikasika ny fanaovana an'ireny akanjo ireny, sy fanapahana ny volony, ary ireo zavatra kely. Nefo ny olona, toy ny ahoana no hanohizan'izy ireo ao anatin'ny fanekem-pinoany, ary—ary manompo eo ambanin'ireo fanekem-pinoana sy ny sisa ireo. Nefo—nefa olona tsara izy ireo. Olona mahafinaritra izy ireo. Saingy toy ny hoe izy ireo—izy ireo—tsy mety mahazo izy ireo, toy ny hoe tsy mety azon'izy ireo izany. Nahoana? Miverina aho ny taona manaraka, ka, raha tokony ho tsaratsara kokoa, dia miharatsy ilay izy. Izany—mitohy izany. Indro misy anabavy iray izay nanana volo lava maha-te-ho tia fahiny, notapahany izany. Indro misy lehilahy izay toy ny hoe nihazona ny toerany izy fahiny ary nandeha ho an'ilay zavatra izay marina; miverina avy hatrany

izy ao amin'ilay...tahaka ny alika mankeo amin'ny lòany, sy ny—ny kisoavavy mankeo amin'ny fotany. Hitanareo, miverina avy hatrany ao anatin'izany. Ilay izy dia toy ny hoe misy zavatra izay nandona ny olontsika, nandona an'izao tontolo izao izany, ka izy ireo dia tsy toy ny manana ny—ny fahazoana, misy zavatra tsy mety ao.

⁵⁰ Toy ny hoe mahamarika ny olona fotsiny ianareo amin'izao andro izao, tsy mahita an'ilay maha-tena izy ao amin'ny olona ianareo. Tsy mahita an'izany ao amin'ireo vehivavy ianareo. Ankehitriny aho dia tsy miresaka mikasika...Ny antony hanaovako fototra an'ity, dia ny hahatongavana eo amin'ny "Shalom." Hitanareo?

⁵¹ Fa mariho ireo vehivavy amin'ny androntsika, izy ireo dia tsy toy ny hoe manana ny fitoviana amin'ny ramatoa izay nananan'izy ireo fahiny. Izy ireo fotsiny dia toy ny hoe—te-hanao izy ireo, saingy misy zavatra tsy hamela azy ireo hanao an'izany. Ilay izy dia toy ny hoe misy vesatra iray ao. Fa, miteny ianareo amin'ny—ny ramatoa iray hoe tsy tokony hanao zavatra izao-sy-izao izy, dia mijery eo amin'Izany ilay ramatoa ka mino an'Izany, te-hino an'Izany izy, saingy misy zavatra ao izay manery azy mankany amin'ilay lèlana hafa. Hitanareo? Zavatra mampalahelo, izaho—izaho—mitsetra azy aho. Tena tratra loatra ao anatin'ny tranon-kala iray an'i Hollywood izy, sy ireo dokam-barotra ao amin'ny televiziona, radio, gazety, eny andàlambe, ao amin'ny—ao amin'ny varavarankelin'ny magazay, miaraka amin'ireo akanjo moderina sy ny sisa, sy ny fomba izay ifanenan'ireo vehivavy hafa aminy. Ary ilay izy dia toy ny hoe misy zavatra izay tsy azon'izy ireo ialana; ireo olontsika tanora, ireo olontsika antitra, ireo antenantenan-taonantsika.

⁵² Toy ny hoe misy zavatra eo anivon'ny olona. Tsy tahaka ny maha-izy azy intsony ny lehilahy, tsy manana an'ilay fikasihana maha-lehilahy izay nananany taloha. Ireo vehivavy dia tsy manana an'ilay fikasihana maha—vehivavy izay nananany taloha. Raiso ny lehilahy amin'izao andro izao, tsy toy ny hoe voavoatra tsara tahaka azy taloha izy ireo. Izy rehetra dia karazan'ny...Te-hanao kiraro voloina volomparasy izy ireo, ary—ary te-hihetsika tahaka ny vehivavy izy ireo. Ankehitriny dia marina izany. Ilay izy dia toy ny hoe, eo ho eo, mitovy amin'ny fanimbàna iray. Ny vehivavy iray te-hanapaka ny volony ka hihetsika tahaka ny—ny lehilahy iray. Ary ny lehilahy iray te-hihetsika tahaka ny vehivavy iray. Hitanareo? Kanefa afaka miresaka amin'izy ireo ianareo, olona mahafinaritra hiresahana izy ireo, olona mahafinaritra, am-pisakaizana, olona tia fihavanana. Inona no nahatonga an'izao? Izany io aizim-pito eo amin'ny olona io, izany dia zavatra iray izay—izay nanery azy ireo ho ao anatin'izany.

⁵³ Tahaka an'ireo Jiosy tamin'ny andro nahatongavan'i Jesosy teto an-tany, Isaia no naminany an'izany ka nanao hoe, "Hisy

ny, hanana maso izy ireo nefä tsy afaka hahita, ary sofina fa tsy afaka handre.” Ary izany no antony nivavahan’i Jesosy ho an’ny famelàna azy ireo, satria tsy maintsy ho tahaka an’izany ilay izy mba hahatanteraka ny Soratra.

⁵⁴ Ary miverina amintsika indray izany. Niresaka ny amin’ity andro izay iainantsika ity ny Baiboly, ary nilaza an’ireo zavatra izay ho avy ireo hoe, “aizim-pito no eo amin’ny olona.” Ary hitantsika izany, hoe misy zavatra mihitsy, tsotra, izay tian’ny olona atao nefä tsy afaka izy ireo.

⁵⁵ Naneho an’izany i Nikodemosy indray andro teo anatrehan’ny Tompo hoe, “Raby, fantatray fa Mpampianatra avy tamin’Andriamanitra Ianao, satria tsy misy olona afaka manao an’ireo zavatra izay Ataonao raha tsy Andriamanitra no nomba Azy.” Saingy ilay izy dia io aizina io, na ny fahajambana, teo amin’ilay taranaka Jiosy, hoe ny Mesia dia mety ho tonga haka Ampakarina iray avy amin’ireo Jentilisa. Tsy maintsy nandà Azy izy ireo.

⁵⁶ Ary izany ilay aizim-pito izay eo amin’ireo fiangonana sy ny sisa amin’izao andro izao, mba hahadiso amin’ny fahitana an’ilay Hazavana izay mamiratra. Hitanareo? Hitanareo, toy ny hoe tena misy fanerena mavesatra iray. Maka ny sasany amin’ireo evanjelista malaza amin’izao andro izao isika, miantsoantso fifohazana tsy ankitsahatra izy ireo, nefä miasa manohitra an’Izany avy hatrany; hitanareo, tsy mahazo, tsy manana fahazoana.

⁵⁷ Ary tsy milaza an’izany aho amin’ny—amin’ny antony iezahana hilaza hoe, “Ankehitriny izahay efa nahita an’Ity, ary, ‘voninahitra ho an’Andriamanitra,’ izy ireo—izy ireo tsy ao anatin’izany.” Tsy miezaka aho ny—ny hilaza an’izany ao amin’ny...hano ny olona hihevitra hoe, “Eny, Rahalahy Branham, ianao—ianaо no manana ny Fahamarinana tokana izay misy eto amin’izao tontolo izao.” Tsia, diso izany. Hitanareo?

⁵⁸ Milaza an’izany fotsiny ihany ao amin’ny Hazavan’ilay ora izay andehantsika aho, ary ho an’ny tombontsoan’ny olona izay miezaka mitady an’io Hazavana io. Marina tokoa, hoy Jesosy hoe, “Tsy misy olona afaka manatona Ahy, raha tsy Ny Raiko no mitarika azy.” Tsy hisy olona hahita an’Izany mihitsy. Izany dia io Voa voafidy mialoha io, ary io irery ihany, no handray an’Izany. Fa tonga eo amin’io toerana io indray isika. Ny Baiboly no nilaza fa, “Ianareo no fahazavan’izao tontolo izao.”

⁵⁹ Hoy ny mpaminany hoe, “Aizim-pito no eo amin’ny olona,” eo amin’ny olon’izao tontolo izao amin’izao fotoana izao. Ary izany marina tokoa no ananantsika, aizim-pito no eo amin’ny olona.

⁶⁰ Andriamanitra, ao amin’ny Famindrampony lehibe, araka ny efa notoriako foana sy niezahako ho tohanana, hoe Izy dia maneho foana an’Ireo—Ireo zava-mitrangany avy

eny an-danitra, Ireo zava-mitrangany lehibe indrindra, dia mitranga eny amin'ny lanitra mialohan'ny itrangany eto antany. Mampitaratra ny Tenany Izzy. Amin'ny teny hafa, dia mialohan'ny nahatongavan'ny Mesia teo amin'ny toerana iray izay nanombohan'ny Asam-panompoany, dia tonga ny—ny Kintana izay avy tany an-danitra izay nitari-dàlana an'ilay lehilahy ho eo amin'ny—ny—ny toerana izay nisy Azy, ireo olon-kendry. Araka ny nandrenesanareo ny Hafatiro farany hoe ahoana fa Andriamanitra dia nifanaraka tamin'ireo—ireo olon-kendry ireo, sy—sy tamin'ny andro izay Izzy—Namerenany azy ireo tamin'ny alàlan'nynofy iray, ary niteny tamin'i Josefa tamin'ny alàlan'nynofy iray Izzy hoe ahoana no hikarakarana ny fanasoavana Ny Zanany Manokana. Satria nahazo an'ilaynofy izy, dia nisy . . .

⁶¹ Nynofy iray kely, zavatra eo amin'ny ilany iray, satria ny olona dia afaka mahazonofy izay tsy marina. Fa tsy nisy mpaminany teo amin'ny tany tamin'io andro io, hitanareo, tsy nisy mpaminany, noho izany dia tsy maintsy nampiasa an'izay tsy maintsy Nampiasainy Andriamanitra. Ary izany no mampianatra antsika fa—fa Andriamanitra dia afaka mampiasa ny fahaizana rehetra sy ny zavatra rehetra izay ampiasaintsika, raha voatokana ho Azy izany. Fa tsy maintsy voatokana ho Azy aloha izany. Aoka ny—ny fisaintsainanareo, izay mitaratra marina tokoa ny nofinareo, hitanareo, satria ny amparahatokareo izany. Raha handinikanofy iray ianareo, dia hahita fa izany dia zavatra iray izay efa noeritreretinareo, na zavatra tahaka an'izany. Mazàna, hitanareo. Ka aoka ny fisainanareo ho eo amin'Andriamanitra, arak'izany, hitanareo, mba hitarafan'izany zavatra iray ho Azy. Ary na inona ianareo na inona, dia aoka hitaratra Azy izany.

⁶² Ankehitriny, eny amin'ny lanitra ambony. Efa voamarikareo ve fa mijery an'ity aho, ilay—ilay Hazavana eo amin'ny sary eto avy tao amin'ny Life Magazine, ka ilay rahalahy izay mipetraka ato amin'ity trano ity no nametraka azy eo amin'ny rindrina, io Hazavana telozoro io.

⁶³ Sendra nieritreritra tao an-tsaiko fotsiny aho. Raha manana ny fandikana Lamsa an'ny Baiboly ny iray aminareo, raha hahamarika an'ilay fonon'izany ianareo, dia anankitelo izany, hazavana trinitera, hazavana misy zorony telo tahaka ny hazavana boribory iray. Ary rehefa ny Dr. Lamsa, sakaiza iray, sakaizako manokana, no nandika ny Baiboly, dia io no mari-pamantarana Hebreo fahiny an'Andriamanitra ao amin'ny fomba telon'ny trinitera izay maha-izy Azy; tsy Andriamanitra telo, fa fanehoana telo an'ilay Andriamanitra iray ihany: Ray, Zanaka, ary Fanahy Masina. Ilay Hazavana dia farabolana iray feno an'ny Hazavana ao amin'ny endrika telozoro, izay midika fa honina ao anatin'ny asa telo Andriamanitra, ny maha-Ray, ny

maha-Zanaka, ary ny andron'ny Fanahy Masina, izy rehetra dia Andriamanitra iray ihany.

⁶⁴ Fa efa voamarikareo ve talohan'ny nahavoambara an'ireo Tombokase Fito, talohan'ny nisehoan'ilay Hazavana lehibe mahagaga teny amin'ny lanitra teto ambonin'i Tucson, Flagstaff, izay nisy anay? Rahalahy Fred, ny roa tamin'ireo lehilahy izay...ny roa tamin'ireo lehilahy izay niaraka tamiko tamin'io maraina io. Fa, efa voalaza volana sy volana talohan'ny fotoana izany, fa hitranga. Rahalahy Fred Sothmann sy Rahalahy Gene Norman dia samy mipetraka eto izao maraina izao, rehefa izany...no tany rehefa nivoaka ilay fipoahana, fa tsy nahafantatra hoe hiseho ireo zavatra ireo. Ary naniraka ahy hiverina Izy, nilaza fa antomotra ny fotoana ho an'ireo Tombokase Fito izay nihazona an'ireo zava-miafina fiton'ny Baiboly manontolo, voaisy tombokase tamin'ireo Tombokase Fito ireo. Ary ahoana fa ireo anjely nanerana ny lâlana, ireo iraky ny Taonan'ny Fiagonana, no nanokatra ny ampahany iray an'izany. Saingy amin'ny ora fahafito, ilay iraka fahafito, dia hifarana ireo zava-miafina rehetra ireo. Hitanareo? Ilay iraka fahafito eto an-tany, hitanareo, io anjely izay Resahany tamin'izany io dia teto an-tany. Ary ny *anjely* dia midika hoe "iraka." Ary avy eo, taorian'izany, dia nahita Anjely hafa iray izy nidina, tsy anjely teto an-tany izay efa nomena ny Hafatra eto, fa ilay (hafa) Anjely mahery izay avy tany An-danitra niaraka tamin'ny avana teo Amboniny, ary nametraka ny Tongony teo amin'ny tany sy ny ranomasina, ka nianiana tamin'Izay velona mandrakizay sy mandrakizay hoe, "Tsy hisy andro intsony." Hitanareo? Fa talohan'ny Nahatongavany teo amin'ireo Tombokase Fito mba hanambara azy ireo, izay Nasehony tamimpahagagana, dia Nasehony teny amin'ny lanitra aloha izany.

⁶⁵ Tamin'io andro io dia naka sary nanerana ny Etazonia atsimo rehetra sy Mexico izy ireo. Io izy mihantona ao amin'ny Life Magazine ankehitriny, mbola zava-miafina ho azy ireo foana. Saingy manambara azy eny amin'ny lanitra Izy mialohan'ny Anambarany azy eto an-tany. Manao an'izany foana Izy. Maneho an'ireo Famantarany eny amin'ny lanitra aloha Izy.

⁶⁶ Ary na dia ao amin'ny Zodiaka aza. Tsy miverina hampianatra Zodiaka aho, fa maneho aminareo fotsiny hoe ny lanitra no manambara an'Izany. Mahita isika ao amin'ny Zodiaka, ao amin'ireo antokon-kintana, fa Izy dia nanambara ny Baiboly manontolo tao amin'ny antokon-kintana an'ny-an'ny Zodiaka. Mahita isika eo fa Izy dia nanomboka, ilay tena-tena sary voalohany mihitsy ao amin'ny Zodiaka dia ny Virijiny, ary ny sary farany ao amin'ny Zodiaka dia Leo ilay Liona; maneho fa ho tonga eto an-tany voalohany amin'ny alàlan'ny Virijiny iray Jesosy, ho tonga Izy amin'ny faharoa amin'ny mahalionan'ny fokon'i Joda. Hitanareo? Mandeha mitety an'ireo trondro mifangaro Izy alohan'izany mihitsy. Taonan'ny Foza,

izany no iainantsika ankehitriny. “Ary ny lanitra rehetra dia manambara Azy,” hoy ny Baiboly.

⁶⁷ Ankehitriny, volana vitsy lasa izay no nitorako, ho an’ny fivoriana mitohitohy tany amin’ny tabernakla, teo amin’ny *Ireo Taona Fiton’Ny Fiangonana*. Ianareo, angamba, efa nandre azy ireo ianareo rehetra. Ary rehefa namarana nanao sary teo amin’ireo Taona Fiton’ny Fiangonana teo amin’ny solaitrabe aho, hoe toy ahoana no nidiran’ilay Hazavana ary toy ny ahoana no nivoahan’ilay Hazavana. Ary ataoko fa manana an’izany ianareo, angamba, eto any ho any; saingy eo anivontsika izany, na ahoana na ahoana, mahafantatra isika. Ary ilay zavatra hafahafa, tamin’ny andro farany rehefa vita sary ilay Taom-Piangonana farany, io Andry Afo lehibe io (izay eo anivontsika) dia nidina teo anivon’ny olona an-jatony, ary namerina ny Tenany nankany amin’ny rindrina aoriana an’ny tabernakla. Ary teo, teo anatrehan’ireo an-jatony ireo, nanao sary an’ireo Taom-Piangonana ireo, miha-maizina dia miha-mazava, tamin’ny fomba marina tokoa izay nanaovako sary azy teo amin’ny tabilao. Tamim-pahagagana mihitsy!

⁶⁸ Ankehitriny, indray andro, dia nanana isika tao amin’ny zava-mitranga an’ny tantaran’ny fiangonana ankehitriny... Ao amin’ny—ny Baiboly, ny *volana* dia maneho ny “fiangonana,” ary ny *masoandro* dia maneho an’i “Kristy.” Saingy mahita isika fa ao amin’ny Apokalypsy, ny toko faha-12, ny *vehivavy* dia ny “fiangonana,” hita izy miaraka amin’ny volana eo ambanin’ny tongony ary ny masoandro eo amin’ny lohany, kintana roa ambin’ny folo no eo amin’ny satroboninahiny. Satria, ilay—ilay lalana tranain’ny Jiosy Ortodoksa dia teo ambanin’ny tongony, niampita an’izany izy nankao amin’ny hazavan’ny masoandro. *Kintana roa ambin’ny folo* dia ireo “apostoly roa ambin’ny folo” izay nitondra an’ireo hafatra ho antsika, ankehitriny, eo ambanin’ny Fanahy Masina. Hitantsika ankehitriny fa ilay volana teny amin’ny lanitra dia tsy maintsy mitaratra an’ilay hazavan’ny masoandro, amin’ny tsy mahaeo an’ilay masoandro. Izany no manome antsika—izany no manome antsika ny hazavana mba handehanana. Saingy izany dia mbola... Tsy mampaninona na impiry izy no mitaratra, dia mbola tsy ilay hazavana tanteraka foana izany, satria mitaratra izy. Ary ny masoandro no mamaratra eo amin’ny volana, ary ny volana no mitaratra ny hazavany amin’ny tsy maha-eo an’ilay masoandro. Fa rehefa miakatra ny masoandro, amin’izay fotoana izay dia tsy ilaina intsony ny volana.

⁶⁹ Ary amin’izao andro izao dia ilay Fiangonana no mitaratra ny Hazavan’ilay Zanak’Andriamanitra tsy eo. Ilay Fiangonana no taratra iray an’ny Hazavana. Satria hoy Izy hoe, “Vetivety foana dia tsy hahita Ahy intsony izao tontolo izao. Fa ianareo no hahita Ahy, satria homba anareo Aho, ao anatinareo mihitsy aza, hatramin’ny faran’ilay taona. Ireo asa izay Ataoko,” ireo

Hazavana izay Nataony hiseho. Ary tsy misy Hazavana raha tsy amin'ny alàlan'ny Tenin'Andriamanitra. Nisy . . .

⁷⁰ Io masoandro io dia ny Tenin'Andriamanitra. Tany amin'ny voalohany, dia hoy Andriamanitra hoe, "Aoka hisy mazava." Ary rehefa ilay Tenin'Andriamanitra voaseho, rehefa voaseho ny Tenin'Andriamanitra, dia nisy hazavana. Voalohany, niteny an'izany Andriamanitra. Ahoana moa raha tsy niseho izany? Amin'izay fotoana izay dia tsy mbola hazavana ilay izy. Fa rehefa niteny an'izany Izy, ka avy eo dia voaseho izany, voamarina, voamarina Ny Teniny, dia tonga teo amin'ny fisiana ny hazavana.

⁷¹ Ary izany ihany no fomba tokana ahafahan'izany ho vita ankehitriny, dia rehefa voamarina ny Teny, ny Tenin'Andriamanitra voasoratra voamarina, amin'izay fotoana izay dia izany no maneho ny Hazavana. Izany dia, ampahany iray no nirehitra, na nomena ho an'ny taona tsirairay. Mahita an'izany isika ao amin'ireo Taom-Piangonana, mahita an'izany isika ao amin'ny Taloha—ny taom-piangonan'ny Testamenta Taloha. Isaky ny tonga ny fotoana iray ho an'ny—ny fanehoana iray an'ny dia, dia nisy mpaminany iray tonga teto an-tany. Ary ny Teny dia tonga tamin'ny mpaminany, ary izy no nanao an'io Teny io ho velona. Ary rehefa voatondro io Teny io, dia nitaratra an'Andriamanitra izany. Dia nisy ny—ny taona, nisy ny Hazavana. Ary tahaka an'izany no ahatongavan'ny Hazavana amin'izao andro izao.

⁷² Ankehitriny, tsy manana na inona na inona manohitra anaram-piangonana iray aho, ireo olona. Fa manana ny rehetra izay azoko eritreretina mikasika ny fanoherana an'ireo rafitra aho, satria diso izy ireo. Ary ny rafitra voalohany izay hany nitsangana, dia ny—ny rafitra Romana an'ny fiangonana Katolika Romana. Izany no rafi-pandaminana voalohany izay hany voarafitra, dia ny fiangonana Katolika Romana, Nise Roma. Teo amin'ny dimy amby roapolo sy telonjato taona taorian'ny fahafatesan'i Kristy, 325, no nipoitra ny rafi-pandaminan'ny fiangonana Romana izay nametraka ny olona hiaraka ka nanosihosy ny zavatra hafa rehetra izay nifanohitra tamin'izany. Tany no nahazoan'izy ireo an'ireo fotopampianarany hafahafa ka nanombohany tao amin'ny rafitra iray nanalavitra ny Teny. Ary ankehitriny io fiangonana io, hatramin'io fotoana io, dia nitaratra marina tokoa ny aizina, satria tamin'io fotoana io isika no nandalo, an'izay antsointsika hoe, "ireo Taona Maizina," teo amin'ny arivo taona teo. Fantatry ny mahay tantara sy ny mpianatra Baiboly rehetra izany, sy ny sis, hoe ireo Taona Maizina, dia rehefa nifehy ny zavatra rehetra ilay fiangonana Romana.

⁷³ Ary io fiangonana Romana io no "ilay-ilay renin'ireo mpijangajanga," hoy ny Baiboly, ao amin'ny Apokalypsy 17 hoe, "izy dia vehivavy janga iray, ary renin'ireo mpijangajanga."

Ankehitriny, ratsy fitondran-tena izany, fiainana maloto an'ny vehivavy iray. Izy roa dia iray ihany, mitovy izy roa. Noho izany raha—raha mpিজাঙ্গাজাঙ্গা, dia tsy maintsy ho vehivavy iray izany. Koa noho izany, dia mariho fa tsy hoe mpিজাঙ্গাজাঙ্গা ilay izy, fa "ireo mpিজাঙ্গাজাঙ্গা." Hitanareo? Izy dia "izy," tokana, "vehivavy janga." Noho izany dia ireo fiangonana no nantsoina hoe "ireo mpিজাঙ্গাজাঙ্গা," zanakavavin'ny vehivavy janga Romana. Izy no renin'izy rehetra, ilay renin'ny rafipandaminana.

⁷⁴ Ary tsy zavatra hafahafa iray ve izany, hoe ao amin'ity andro izay andalovantsika an'ireo zavatra rehetra ireo ity, ka nitety ny tany nanohitra ny rafi-pandaminana ny Hafatra, dia nanapoaka an'ilay izy avy tamin'ny ankavanana nankany amin'ny ankavia Izany, hoe, amin'ity ora izay efa voateny hatramin'ny 1933 ity, rehefa nanome ahy an'ireo fahitana ny Fanahy Masina ka naneho tamiko ny andro farany, ireo zavatra fito izay noteneniko, ka ny dimy tamin'izy ireo no efa nitranga, tanteraka tokoa, manohy hatrany; tahaka an'i Alemaina sy—sy Italie ary ireo ady rehetra, sy ireo zavatry ny firenena (mahalana no iresahana amiko an'ireo zavatra ireo). Saingy nitranga marina tokoa araka ny Nolazainy fa hitrangany izy ireo. Ahoana no handehanan'i Mussolini any Ethiopie, ka ho lavo eo an-tongony i Ethiopie, ary avy eo dia ahoana fa ho tonga ao amin'ny fahafaham-baraka iray izy, ka nororain'ny vahoakany manokana; ary afa-baraka, nihantona nitsongoloka, niaraka tamin'ilay mpivarotena izay niarahamy niaina io, teny an-dàlambe. Ahoana fa handeha hiady amin'ny Alemaina i Amerika, hitondra faharesena mahatsiravina izy ireo ao amin'ny toerana izay antsoina hoe, tsipika lehibe iray izay hisy manda simenitra ao anatiny, mino aho fa ilay izy dia antsoina hoe ny Siegfried Line. Ary misy anankiray antsoina hoe Maginot, mino aho fa ilay Frantsay izany. Marina ve izany? Ary ilay Siegfried Line dia tsipika Alemandy. Fa namela ahy hahita an'izany ny Tompo, iraika ambin'ny folo taona talohan'ny nanorenana azy. Nefa izy ireo dia tsy te-hanaiky mihitsy ny faharesena iray teo amin'izany, tsy nanaiky ireo Amerikana, hany ka saiky nandentika an'ilay tafika manontolo izy ireo. Rehefa tonga tany izy ireo, dia efa nanao ny basiny ho voahofana avy hatrany fotsiny ireo Alemandy tao amin'io sambo mpiady io, ary navelany ho tafiditra tao mihitsy izy, ary saiky nandentika azy. Ary hitako izany, iraika ambin'ny folo taona talohan'ny nisian'ilay tsipika hany—hany nandrarahana fototra iray ho an'izany mihitsy aza, na zavatra iray, ilay Siegfried Line. Ary ireo zavatra hafa rehetra ireo, toy ny milina sy ireo fiara, ary—ary ahoana fa tonga avy hatrany marina tokoa arak'izay Nolazainy ny zavatra rehetra, hatrany amin'ny vehivavy iray hanapaka an'ity firenena ity, izay, angamba, ny fiangonana izany. Ary avy eo dia tonga ny farany.

⁷⁵ Ankehitriny hitantsika ato amin'ity izany, ity zavatra

rehetra ity ary ahoana no nipoahako nanohitra rafipandaminana, tsy zavatra hafahafa ve fa niala tany Roma ny papan'i Roma ho an'ny fotoany voalohany mba hiverina any Jerosalema? Ary teo am-panaovana an'io... Jerosalema dia fantatra fa ilay fiangonana tranainyindrindra eto amin'izao tontolo rehetra izao.

⁷⁶ Rehefa nitsena an'i Abrahamaavy tany amin'ny famonoana an'ireo mpanjaka i Melkizedeka, Izyno Mpanjakan'i Jerosalema, Mpisorona iray, izay Kristy, Andriamanitra izany; tsy misy anankiray afaka ny ho Melkizedeka afa-tsy Kristy Izynenany, Andriamanitra Izynenany, raha ny marina, hitanareo, Andriamanitra Izynenany, satria izy tsy nanan-dray sy tsy nanan-dreny. Hitanareo? Jesosy dia nanana ray sy reny, hitanareo. Noho izany dia tsy nanan-dray io Lehilahy io, tsy nanan-dreny, tsy nanana fiandohan'andro na fiafaram-piaianana. Ary na iza Izyno iza, dia mbola velona foana Izyno. Ary Izyno Mpanjaka tamin'izany andro izany, an'i Salema, izay adika hoe, "Mpanjakan'ny Fiadanana, Shalom." Mpanjakan'i Jerosalema, izay nitsena an'i Abrahama ka nanome azy divay sy mofo, fandraisana, taorian'ilay ady. Tena tandindona iray mahafinaritra eo ao amin'ny toko faha-7-n'ny Hebreo, hitantsika izany. Ankehitriny, nanome azy mofo sy divay rehefa tapitra ny ady. Satria Izyno...

⁷⁷ Izany no zavatra voalohany ho raisintsika aorian'ny idirantsika ao amin'ilay Fanjakana Vaovao, hihinana an'izany indray miaraka Aminy isika ao amin'ny Fanjakan'ny Ray, ilay mofo sy divay. "Tsy hisotro ny vokatra avy amin'ny voaloboka Aho, na hihinana ny mofo intsony, mandra-Pihinako an'izany miaraka aminareo, indray, ao amin'ny Fanjakan'ny Ray, ary amin'izany andro izany."

⁷⁸ Ankehitriny, ankehitriny rehefa hitantsika fa io Mpanjaka Shalom io rehefa avy tao amin'ny... tonga avy any amin'ilay tanàna, tamin'izay fotoana izay no nandresy azy ny fanekem-pinoana, taty aoriania. Ary fanekem-pinoana tsy ankitsahatra izany, saingy maneho an'ilay fiangonana tranainy ilay izy. Fa nampianarina isika ao amin'ny Testamenta Vaovao, aza diso fahazoana an'ity, ao amin'ny Testamenta Vaovao fa tsy avy amin'io tanànan'i Jerosalema io isika, eto an-tany, fa isika dia avy amin'ilay Jerosalema Vaovao, any ambony. Noho izany dia tsy maintsy ho ny volana ity, Jerosalema, fa tsy ilay Jerosalema Vaovao, any ambony. Noho izany dia ny volana no maneho an'ilay fiangonana, eto an-tany.

⁷⁹ Ary tsy hafahafa ve fa talohan'ny nanaovan'ilay papa ny diany ho any Jerosalema mihitsy, dia nanao fahamaizinana tanteraka ny volana teny amin'ny lanitra, andro vitsy talohan'ny nanaovany an'izany mihitsy, ny diany. Tonga eto ihany koa izy, fantatrareo, hitanareo. Ankehitriny tsy fantatra mihitsy izany, hitanareo. Fa inona no maneho an'izany? Izany, io, manao

an'io izy mba hahazoana fiombonana tahaka ny nihaonany tamin'ny andro taorian'ny nahatongavany tao Jerosalema, nihaona tamin'ilay laharam-boninahitry ny Grika Ortodoksa izy. Ary mitaratra inona izany? Fiombonana, te-hampikambana miaraka an'ireo Protestanta sy ny Katolisima izy ireo, fa eo am-panaovana an'izany izy ireo ary hanao tanteraka tokoa. Ary mampitaratra an'io amintsika Andriamanitra, ao amin'ny volana, amin'ny fahamaizinana tanteraka. Nohon'ny Famindrampony sy ny fahasoavany . . .

⁸⁰ Efa mba nahita an'ilay gazety ve ny iray aminareo izay nakan'izy ireo ny sarin'ilay volana? Manana azy aho eto. Raha tsy izany no endrika tanteraka iray, mamela an'ilay taona fahafito izay tsy mbola tapitra, araka ny nanaovako sary marina tokoa tamin'ny alàlan'ny Fanahy Masina, an'ireo Taom-Piagonganana. Ireo ny enina amin'izy ireo, ilay fahafito dia mbola tsy tapitra. Ireo toerana enina an'ilay volana, ahoana ao amin'ny famirapiratany tao amin'ilay taom-piagonganana voalohany; maizina ao amin'ilay faharoa, fahatelo, fahefatra, fahadimy, ary fahenina; araka ny namelan'ny Fanahy Masina ahy fotosiny hanao sary azy ireo teo amin'ny tabilao, ary avy eo dia nanondro azy ireo niaraka tamin'ny Tenany teo amin'ny rindrin'ny tabernakla, roa taona lasa izay. Mitaratra ny tenany ny volana, ary ny siansa dia maka indray an'ilay sarin'ny, ireo Taom-Piagonganana, tahaka ny nakan'izy ireo mihitsy an'io Hazavana io tany ka nametraka azy tao amin'ny Life Magazine, ny amin'ny fanokafana ny Tombokase, ny amin'ny fanambarana tao amin'ny taonan'ilay anjely fahafito. Tamin'ireo andron'ny asam-panompoany, ilay iraka fahafito, ireo zava-miafin'Andriamanitra, dia ireo zava-miafina rehetra izay efa nisy nandritr'ireo taona, dia tokony ho voambara, tonga voaseho, tokony ho izany izy amin'io fotoana io. Ary Nataony izany! Tsy diso ireo Teniny. Tsy zavatra mahagaga iray ve izany? Andriamanitra no manao sary teny amin'ny lanitra an'ilay zavatra iray ihany izay azonin'izy ireo, ilay Andriamanitra iray ihany no namela ahy hanao sary teo amin'ny solairabe, ary avy eo dia tamin'ny alàlan'ny Tenany. Izany hoe intelo no Nanondroany an'izany tanteraka mihitsy, ary alohan'ny andehanan'ilay papa ho any Jerosalema mihitsy.

⁸¹ Fa, izany ilay fiangonana, ny volana dia ny fiangonana, maneho ny fiangonana. Ary teo anatrehan'ilay fiangonana, dia nandalo teo amin'ny volana ny alok'izao tontolo izao. Ary ny aloky ny isman'izao tontolo izao, ny aloky ny maha-izao tontolo izao, fiangonan'izao tontolo izao, dia nandalo mba hanamaizina an'ilay Hazavana manontolon'ny Baiboly. Niditra tao amin'ny Hazavan'ny taratry izao tontolo izao. Azonareo ve? Nandalo tao amin'ny hazavan'ny volana izao tontolo izao, ka nanamaizina ny masoandro. Ary ny taratry ny volana izay natao hanome hazavana ho an'ny tany, dia maizina tanteraka izany. Ary tonga

Izy ka nanao an'ireo sary tahaka ny Nataony marina tokoa, tamin'ny alàlan'ny tsindrimandry, talohan'ny nitrangan'izany.

⁸² Ankehitriny izany, mino aho, Ranabavy Simpson, dia ilay gazetin'i Tucson. Tsy fantatro raha nahafantatra Ranabavy Simpson... Tsy azony ilay izy tamin'izany fotoana izany. Hoy izy hoe, "Nanety sary sasantsasany ho anao aho, ary naoty sasantsasany, avy tao amin'ilay gazety," nanolotra an'izany ho ahy.

⁸³ Ary nieritreritra zavatra iray hafahafa aho. Niditra teo aho dia naka azy, ary njery azy, hoy aho hoe, "Io ilay izy, marina tokoa, hitanareo, ilay nandrasako mihitsy." Ary teo amin'ny gazety ilay izy.

⁸⁴ Mety afaka miteny aminareo Ranabavy Simpson hoe gazety inona no misy azy, raha tianareo ny hahazo dika iray an'izany. [Hoy Ranabavy Simpson hoe, "Ny faha-28 Desambra izany."—Mpand.] Ary—ary ahoana hoe? ["Ny nomerao harivan'ny faha-28 Desambra izany."] Nomerao harivan'ny faha-28 Desambra.

⁸⁵ Hitanareo, talohan'ny nandehanany nankany Jerosalema hanamaizina ny Hazavany, na làlana inona no ataon'izany. Fotoana inona, toerana, ary zò inona no tsy maintsy Hamiratany, ankehitriny dia najanony tanteraka Izany, ho an'ilay taona farany, ilay taonan'ny fiangonana fahafito izay idirany ao anatin'ny aizina. Zavatra lehibe toy ny inona no tenenin'ny Tompo amintsika. Amin'ny zavatra rehetra, tsy diso mihitsy Izany fa Andriamanitra no nanambara azy teny amin'ny lanitra ka niteny azy, nikarakara azy, ary nanondro azy eto ary nanamarina azy, hoe izany no Fahamarinana tanteraka.

⁸⁶ Aizina, ity Taonan'ny Fiangonana Laodikia ity. Ankehitriny rehefa Jesosy, izay ny Teny, tao amin'ny Taonan'ny Fiangonana Laodikia no tany ivelan'ny fiangonana, mandondònà eo ambaravarana, miezaka mba hiditra. Aizina, aizim-pito no eo amin'ity olona ity. Marina ve ny Baiboly? [Hoy ny fiangonana hoe, "Amena."—Mpand.]

⁸⁷ Ny fahatanterahan'ny Soratra, ny voninahitry Ny Anarany lehibe. Ny fitsidihan'ilay papa dia famantarana iray an'ireo fiangonana izay manamaizina Ny voasehony... Ny Hazavana voaseho an'izao tontolo izao dia ny Baiboly. Jesosy no nilaza fa Izy no Hazavan'izao tontolo izao. Ny Baiboly no nilaza fa Izy no Teny. Ary ny Soratra voaseho, na voamarina, no Hazavana. Ankehitriny tsy havela hanao an'izany ianareo rehefa mamikitra ity. Ary mahita an'izany voaaloka mialoha isika, voalaza tamin'ny alàlan'ny tsindrimandry talohan'ny nitrangany; voaaloka mialoha tamin'ny alàlan'ny volana, ary maneho fa eo am-pitrangana izany, ary indro fa miseho ilay izy.

⁸⁸ Tonga eo amintsika ilay ora, aizina, aizim-pito. Aizim-pito no eo amin'ny olona ankehitriny, izany ilay izy. Inona no

dikan'izany rehetra izany? Aiza isika no mijoro? Ora inona no misy antsika? Akaikin'ny Fihaviana toy ny ahoana isika? Eny, hoy ianareo hoe, "Nefa manana fifohazana izy rehetra."

⁸⁹ "Aza matahotra, ry ondry vitsy, fa sitraky ny Rainareo ny hanome anareo ny Fanjakana." Eny ary.

⁹⁰ Inona no dikan'izany? Nanomboka nampisaraka ny Hazavana tamin'ny aizina Andriamanitra, hitanareo, manosika an'izany any aoriana, tahaka ny Nataony tany amin'ny voalohany, mba haneho an'ilay mangiran-dratsin'ny andro vaovao iray. Miha-levona ireo Taom-Piangonana. Mamelà ahy. Miha-levona ireo Taom-Piangonana. Manosika ny aizina mankany amin'ny toerana iray Andriamanitra, tsy maintsy hanao an'izany ilay izy, mba hahalevona an'ireo rafipandaminan'ny fiangonana, mandevona an'izao tontolo izao. Izao tontolo izao no mandrakotra an'ilay zavatra tanteraka, ary ny maha-izao tontolo izao no naka an'ilay zavatra manontolo. Noho izany dia tsy marina ve Andriamanitra? Tamin'ny alàlan'ireo zavatr'izao tontolo izao, sy fitafin'izao tontolo izao, sy fihetsik'izao tontolo izao, ary fiainan'izao tontolo izao, izany ilay izao tontolo izao!

⁹¹ Tsy avy amin'izao tontolo izao ianareo, rankizy madinika. Avy any An-danitra ianareo. Tsy Fonenanareeo ity.

⁹² Nahoana aho no tokony hijery, ho antsika olona antitra, hiezaka hijery any aoriana sy ho lasa tanora indray? Tsy afaka manao an'izany isika. Fa mijery mankany aloha isika, tsy mijery any aoriana. Mijery eto, izay efa nisy, ka te-hahafantatra isika hoe inona no hisy. Ary miandry an'izany ora izany isika, mandroso ho an'izany.

⁹³ Olona tsara marobe, tso-po amin'izao andro izao no tratra ao anatin'ireo fanekem-pinoana ireo, ireo fiangonana sy rafipandaminana, "manana ny endriky ny toe-panahy araka an'Andriamanitra, nefà mandà ny Heriny," araka ny Timoty Faharoa, ny toko faha-3, no miteny an'izany.

⁹⁴ Aizim-pito, ny fahajamban'ny Israely, dia ho an'ny fanazavana ny Jentilisa. Ankehitriny ny fahajamban'ny Jentilisa dia fanazavana ny Israely. Izany dia tahaka ny andro sy alina fotsiny; ny ilany iray manana aizina, ny ilany iray hafa manana hazavana; ary avy eo dia mandeha mankany amin'ilay ilany hafa ny hazavana. Noho izany ny—mandalo tahaka ny nataony ny volana, ary ilay taratry ny aizin'izao tontolo izao izay manamaizina ny hazavany, dia taratratra iray ho antsika hoe tapitra ny taom-piangonana Jentilisa. Manao ny tenany ho vonona ilay Fiangonana, efa nanao ny tenany ho vonona nandrity ny fotoana iray, izao no fotoana ho an'ny Fampakarana. Fa milatsaka eo amin'ireo Jentilisa ny aizina, ary hiposaka tsy ho ela eo amin'ireo Jiosy ny mangiran-dratsy. Efa nandeha avy tany

Atsinanana nankany Andrefana ny masoandro, ary eo amin'ny Morontsiraka Andrefana no misy antsika. Zavatra iray ihany no azon'ny Hazavana hatao, miverina any Atsinanana, any amin'ilay ilany hafa. Mahazo ianareo, sa tsy izany? [Hoy ny fiangonana hoe, "Amena."—Mpand.] Afaka miverina mankany Atsinanana fotsiny ihany indray ny Hazavana, teo amin'izay nanombohany, Isiraely. Nanajamba azy ireo vetivety Andriamanitra, saingy ny—ny aizina dia milatsaka eo amin'izao tontolo izao Jentilisa ankehitriny izay manarona an'ilay zavatra manontolo. Hanitsaka an'i Jerosalema ireo Jentilisa mandrapahatapiry ny andron'ny Jentilisa. Jesosy no niteny an'izany. Ary ankehitriny dia tapitra izany, aizim-pito no eo amin'ny olona! Andriamanitra no mampitaratra an'izany eny amin'ny lanitra, tahaka ny Nanehoany an'izany teto an-tany alohan'ny itrangan'izany rehetra izany. Ao anatin'izany isika.

⁹⁵ Tratra ao anatin'io zavatra io ireo olona tsara, olona tsara, olona tso-po. Tahaka an'i Maria sy Josefa, tena tso-po izy ireo, hitanareo, nihevitra fa niaraka tamin'izy ireo Izy, nefo tsy niaraka Izy. Maria sy Josefa, fantatrareo, rehefa tany amin'ilay fety izy ireo, Jesosy, roa ambin'ny folo taona, nihevitra izy ireo, nanombatombana, hoe niaraka tamin'izy ireo Izy, saingy tsy niaraka Izy. Olona tsara amin'izao andro izao no mihevitra an'ilay zavatra iray ihany, izy ireo, ireo olona izay voarafitra ao amin'io Fiombonamben'ny Fiangonana io, ireo olona ao anatin'ireo rafi-pandaminana ireo, izy ireo—izy ireo dia mihevitra fa manao zavatra tsara iray izy ireo. Manombatombana izy ireo hoe miaraka amin'izy ireo Izy, nefo tsy izany izy ireo. Hitanareo, olona maro no mihevitra fa niaraka tamin'izy ireo Izy rehefa nandray tànana an'ilay mpitoky teny izy ireo ka nametraka ny anaranay teo amin'ilay boky, saingy tsy niaraka Izy. Olona maro no mihevitra, rehefanofafazana izy ireo, namafisina, natao batista tamin'ny anaran'ny "Ray, Zanaka, Fanahy Masina," mihevitra fa niaraka tamin'izy ireo Izy. Olona tsara izy ireo. Olona tsara i Maria sy Josefa. Saingy ilay zava-misy dia, tsy teo Izy! Aza manombatombana na inona na inona.

⁹⁶ Inona ny Hazavana? Ny Tenin'Andriamanitra voamarina, voambara! Ankoatran'izany, dia tsy misy Hazavana. Hitanareo? Tsy afaka manazava ny tany amin'ny jiro fanao am-paosy ianareo. Izany dia mila ny Tenin'Andriamanitra izay tonga voaseho, ilay Zanaka.

⁹⁷ Olona tsara izy ireo. Mariho ilay fahamarinan'Ny Teniny, tanteraka toy ny ahoana Izany. Efa voamarikareo ve izay nolazain'i Maria? Ankehitriny ho anareo olona Katolika malala, tsy manana na inona na inona manohitra anareo aho. Tsy manana na inona na inona manohitra anareo aho. Ilay izy dia ilay rafitra izay misy anareo. Ary ianareo Protestanta, dia mitovy ihany. Ilay izy dia ireo rafitra!

⁹⁸ “Maria, renin’Andriamanitra”? Hita fa, Zazalahy iray roa ambin’ny folo taona, dia ny zanany manokana, no tsy maintsy nametraka azy tao amin’ny lamina. Tsy misy na dia indray mandeha aza ao amin’ny Baiboly izay mba niantsoan’i Jesosy an’i Maria hoe Ny “reniny.” Tsy Reniny izy. Ahoana no ahafahany ho renin’Andriamanitra? Kibo iray fotsiny ihany izy izay Nampiasainy mba hahatongavany teto an-tany, mba ho voaseho eto an-tany, tamin’ny alàlan’ilay kibo. Tsy misy na inona na inona mihitsy ny aminy, tsy misy Soratra iray mba nilaza hoe “neny.”

⁹⁹ Mariho hoe ahoana no tena nahadiso an’i Maria, fa Ny Teniny no tena tanteraka. Nilaza Taminy izy rehefa... Hitany tao an-tempoly Izy, roa ambin’ny folo taona, niady hevitra tamin’ireo teolojiana. Nahatalanjona azy ireo Izy, nefä Zazalahy iray roa ambin’ny folo taona; tsy tany an-tsekoly akory aza, na, raha izany no izy, dia tsy nanana filazana ny amin’izany isika. Fa Ankizy iray roa ambin’ny folo taona nampisavoritaka an’ireo—ireo olon-kendry tao an-tempoly, tamin’ny Fahendreny. Hoy izy hoe, “Izaho sy ny Rainao dia nitady Anao fatratra tamin-dranomaso.” “Ny Rainao!” Ilay reny izy tenany, natao ho, no nilaza hoe, “Izaho sy Josefa Rainao dia nitady Anao fatratra tamin-dranomaso.”

¹⁰⁰ Inona no Nolazainy taminy? “Tsy fantatrao ve fa tsy maintsy manao ny asan’Ny Raiko Aho?” Raha nanao ny asan’i Josefa Izy, dia ho nanamboatra trano Izy, na tao amin’ny trano fandrafetana iray. Fa tsy zanak’i Josefa Izy. “Manao ny asan’Ny Raiko Aho,” manitsy an’ireo anaram-piangonana sy fanekem-pinoana sy ny sisa izay reko. Hitanareo? “Manao ny asan’Ny Raiko Aho.” Tsy nanaiky an’i Josefa ho Rainy mihitsy Izy. Fa Maria no nanaiky, ka nitodika Izy ary nanitsy azy.

Hoy izy hoe, “Izaho sy ny Rainao dia nitady Anao fatratra.”

¹⁰¹ Hoy Izy hoe, “Manao ny asan’Ny Raiko Aho,” maneho fa tsy Rainy i Josefa. Tanteraka Ireo Teniny, hitanareo.

¹⁰² Fa i Maria sy izy ireo, dia nanombatombana an’izany fotsiny. Eny, jereo hoe inona ilay izy, nisendaotra izy. Izy—izy dia... Te-haneho teo anatrehan’ireto mpisorona sy ny sisa ireto izy fa—fa—fa tsy izy no ilay karazam-behivavy. Ary izy, teo ampanaovana an’izany, dia namotika tanteraka an’ilay fanorenana teo ambanin’ny fanambarany, rehefa avy nanambara fa Anjely iray no tonga teo aminy, “Ary nanao hoe, ‘Hanan-anaka ianao ary hiteraka Zazalahy, tsy mahalala lahy, Zazalahy nateraky ny virijiny iray.’” Nefa indro teo anatrehan’ilay Synedriona lehibe, hoy izy hoe, “Josefa, ny Rainao eto, sy izaho, dia nitady Anao fatratra.”

¹⁰³ Ary hoy io Zazalahy roa ambin’ny folo taona io hoe, “Manao ny asan’Ny Raiko Aho.” Nananatra azy Izy hoe, “Tsy io No Raiko!”

¹⁰⁴ Jereo ilay fiangonana amin'izao andro izao, mandeha miaraka amin'ireo fiombonambe sy—sy ireo zavatr'izao tontolo izao, ankehitriny dia maizina tanteraka izy. Mananatra azy Andriamanitra!

¹⁰⁵ Tsy niantso azy mihitsy Jesosy hoe “neny.” Indray andro dia tonga namangy Azy tao amin'ireo Fivoriany izy, tao amin’ny trano iray zavatra tahaka an’ity. Tonga ny olona iray, nanao hoe, “Ao ivelan’ny varavarana ao, ny Reninao sy ireo rahalahinao dia miandry Anao.”

¹⁰⁶ Hoy Izy hoe, “Iza no Reniko, ny Rahalahiko? Iza izy ireo?” Nijery manodidina teo amin'ireo Mpianany, ka nanao hoe, “Ireo izay manao ny sitrapon’Ny Raiko, no Reniko, Rahalahiko, Anabaviko, sy ny sisa. Izany no izy.”

¹⁰⁷ Ary teo amin’ny hazo fijaliana, rehefa teo am-pahafatesana Izy, dia nilaza tamin’i Jaona Izy, ilay mpianatra tanora, hoy Izy hoe, “Indro ny reninao.” “Ravehivavy, indro ny zanakao.” “Anaka, indro ny reninao.” Hitanareo, tsy nilaza mihitsy, ny Tenany. Tsy Zanany Izy. Zanak’Andriamanitra Izy. Kibo iray fotsiny izy.

¹⁰⁸ Ity dia trano iray izao maraina izao, fa tsy ilay Fiagonana izany. Ny Fiagonana dia ao anatinareo, Kristy. Ny fanahin’ireo mety maty izay mipetraka eto, dia miaraka mihaona ao amin'ireo toeran-danitra. Kristy izany, fa tsy ilay trano. Mety tsara ilay trano, manao ny tanjony izy, saingy ampiasaina ho toeram-pivoriana iray fotsiny ihany izy. Kibo iray fotsiny ihany i Maria izay Nampiasainy mba hahatongavana eto antany, mba hanondro ny Tenany eo anivon’ny olona. Fa tsy ny “renin’Andriamanitra,” ity trano ity ihany koa dia tsy ny Fiagonan’Andriamanitra. Ampiasaina ho an’izany fotsiny izy.

¹⁰⁹ Hia, sakaiza maro no mihevitra ankehitriny, ireo olona, olona tsara tahaka an’i Maria sy Josefa, no mihevitra fa—fa miaraka amin’izy ireo Izy eo am-panaovana an’ity. Saingy tahaka azy ireo tamin’izany, dia toy izany koa izy ireo ankehitriny, diso. Nihevitra izy ireo fa niaraka Taminy, saingy tsy niaraka izy ireo. Fa rehefa natao batisa izy ireo, mety mihevitra ireo olona hoe, oh, izaho—nandray Azy aho rehefa nanaiky Azy ka natao batisa aho. Tsy izany ilay izy. Mandrapitaratry ny Teny voambara iray ny tenany!

¹¹⁰ Fa, ilay Voafidy, ahoana ny amin’ny Hazavana ankehitriny? Efa niresaka betsaka teo amin’ny aizina aho, ary nandany ny antsasaky ny fotoako aho, amin’ny iraika ambin’ny folo sasany. Ndao isika ankehitriny hivadika amin’izany; aizim-pito no eo amin’ny olona, ankehitriny ahoana ny amin’ny Hazavana? Izy no nilaza fa aizim-pito no ho eo amin’ny olona, saingy hisy Hazavana, “Mitsangàna, ary mihazavà, fa tonga ny Hazavana.” Ahoana no mety hisian’ny aizina sy Hazavana, tsy maintsy misaraka izany. Ary zavatra tokana ihany no manasaraka

an'izany, ny Teny voaseho, no manasaraka, Izany no manosika an'ilay izy eny amin'ny ilany hafa an'ilay... *Eto dia* ny aizina eto an-tany, saingy rehefa ilay Tenin'Andriamanitra voaseho, ilay masoandro, izay voateny ho amin'ny fisiana tamin'ny alàlan'ny Teny, no maneho ny tenany, dia mitsoaka mankany amin'ilay ilany hafa ny aizina. Ary izany no miseho ankehitriny, manasaraka ny tenany amin'ny Hazavana ny aizina. Ankehitriny ho an'ilay Fiangonana voafidy ao amin'ity ora maizina ity... Fa, afaka mijanona eo amin'izany mandritry ny ora maro isika, saingy neveriko fa efa betsaka no nolazaiko mba hahazoanareo an'izay—an'izay tian'ny Soratra ho lazaina, rehefa nilaza aho hoe, "aizim-pito no eo amin'ity olona ity."

¹¹¹ Ankehitriny milaza amin'ilay Fiangonana aho hoe, "Shalom. Fiadanana'Andriamanitra." Fiadanana! Ny tena Hebreo rehetra, rehefa mihaona amin'ny iray hafa izy dia, "Shalom." Amin'ny teny hafa dia, "Manao ahoana! Homba anao anie Andriamanitra! Handeha hiaraka aminareo anie ny fiadanana'Andriamanitra!" Izany dia "Manao ahoana! Manao ahoana ianao?" Izao no andro mipozaka, ry Fiangonana. Izao no aizina eo amin'ny olona, saingy izao no "Manao ahoana" ho an'ilay Fiangonana. Miseho eo anivontsika Kristy. "Shalom. Fiadanana." Haleloia! "Shalom."

¹¹² Rehefa mahita ny aizina mipetraka isika, ny aizina dia mialoha mihitsy ny andro, dia fantatsika fa mihantona any ilay kintan'ny maraina mba hampiditra ny fihavian'ny masoandro. Izany dia, izany dia rehefa mamiratra ilay kintan'ny maraina. Izany dia—izany dia—izany ilay mandeha eo anelanelany. Izany foana ilay maizina indrindra minitra vitsy fotsiny mialohan'ny andro, tonga ny maizina, mijanona tsy mamiratra ny volana. Ilay maizina indrindra alohan'ny andro, dia satria manosika an'ilay aizina ny hazavana. Fa mivoaka ilay kintan'ny maraina ka manao hoe, "Manao ahoana. Shalom."

¹¹³ Izy eo anivontsika izany, Ny Teniny voatondro. Shalom. Eo am-piposahana ilay andro malaza, rehefa mamoaka ny Mandrakizay ny maraina, mamiratra sy mahafinaritra, rehefa hiangona miaraka ao an-tranony any ankoatry ny lanitra ireo Voafidiny. Rehefa antsoina any ankoatra any ilay horonana, dia ho any aho. Eo amin'Ny Bokiny ireo anarantsika, ho any isika. "Shalom. Manao ahoana. Ho aminareo anie ny fiadanana."

¹¹⁴ Manasaraka ny tenany amin'ny Hazavana ny aizina. Andriamanitra no mahatonga an'izany, ny Hazavana no manao an'izany. Hitanareo, manosika ny Tenany amin'ny fomba iray tahaka an'izany ny Hazavana hany ka tsy mantsy miangona miaraka ny aizina. Nanana anjara hanaiky an'Izany izy ireo fa tsy te-hanao an'izany, noho izany dia nampatevina ny tenany izy. Ary manao an'izany amin'ny alàlan'ny fametrahana ny fiangonana miaraka izy ireo, sy ilay Fiombonamben'ny Fiangonana, ka mampiray an'izany miaraka amin'ny aizin'ny

mpanompo sampy. Nefa tena tsy mifanaraka mihitsy izy ireo, saingy tsy maintsy mandeha miaraka ihany izy ireo mba hanao ny aizina ho tonga eo amin'ny olona.

¹¹⁵ Hoy ny Isaia 60:1 hoe, “Mitsangàna, ary mihazavà, fa tonga aminao ny Hazavana.”

¹¹⁶ Mitsangàna, ary mihazavà, fa tonga ny Hazavana. Ny Teny, Hazavana, dia voamarina indray. Voamarina indray ny Hazavana, ny Tenin'Andriamanitra, mba ahafahanareo mahita an'Andriamanitra voaseho ao amin'ny Fampantanantenany an'ny Hazavan'ilay andro, na ny Teny nomena ho an'ity taona ity, hitanareo, ireo teny fikasana izay natao ho an'ity andro ity, ireo teny fikasana izay nolazaina tamin'ny alàlan'ireo mpaminany, sy tamin'ny alàlan'i Jesosy Izy tenany. Amin'ity andro ity! “Andriamanitra, tamin'ny fotoana samihafa . . .” Hebreo 1, “Andriamanitra, tamin'ny fotoana samihafa, tamin'ny fanao samihafa dia niteny tamin'ireo razana tamin'ny alàlan'ireo mpaminany, fa amin'izao andro farany izao dia amin'ny alàlan'Ny Zanany, Jesosy Kristy.” Hitanareo?

¹¹⁷ Ilay Hazavana lehibe izay nihantona tany an-efitra izay tany io, ka nandaozan'i Mosesy an'i Egypta, nanao ny fanaratsiana an'i Kristy ho harena be lavitra nohon'ny an'i Egypta.

¹¹⁸ Io Anankiray io ihany izay nifanena tamin'i Saoly teny amin'ny lèlana nankany Damaskosy. Hazavana lehibe iray no nihantona teo anoloany, io Hazavana iray io ihany, Andry Afo iray ihany. Saoly, amin'ny maha-Hebreo iray, dia tsy hanompo fanahy iray mihitsy na inona, na hiantso an'izany hoe “Tompo,” tao amin'ny toerana nisy azy. Hoy izy hoe, “Tompo, iza moa Ianao?”

¹¹⁹ Hoy Izy hoe, “Izaho no Jesosy.” (Hoy Jesosy hoe, “Avy amin'Andriamanitra Aho, ary hiverina amin'Andriamanitra Aho.”)

¹²⁰ Io Hazavana iray io ihany no tonga. Haninona? Haneho, mba-mba hampahafantatra ny olona an'ireo teny fikasana izay Nataony ho an'ity andro ity, Hazavana voaseho an'ilay andro. Ny aizina dia mihamainzina.

¹²¹ Rehefa tonga Izy, dia izy no Hazavan'ilay andro. Nisy Mesia iray natao ho tonga. Ary tonga marina tokoa Izy araka ny nolazain'Andriamanitra fa Nataony, hahatongavany. Ary rehefa tonga Izy, dia inona Izy? Ny Hazavan'ilay andro. Ary nanery ny aizina tena hanohitra Azy Izany! Marina ve izany? Tsy maintsy nanome Ny Ainy Izy mba hanohizan'io Hazavana io, ahafahany hamiratra. Izy no Hazavan'ilay andro. Fa nahoana, nahoana Izy no Hazavan'ilay andro? Izy no Teny voamarina izay efa notenenina, tonga voaseho. Tsy misy ankoatry . . .

¹²² Nilaza tamin'ity izao tontolo izao maizina, manjombona, malahelohelo, maizimaizina izay nitsangana teto tsy misy hazavana ity Andriamanitra, hoy Izy hoe “aoka hisy mazava.”

Ary tsy hazavana izany raha tsy voaseho ny Teny, tamin'izay fotoana izay vao hazavana izany.

¹²³ Hoy Izy hoe, “Ho tonga ny Mpamonjy iray, Mesia iray.” Tsy mbola voaseho foana izany raha tsy tonga Izy haneho an’io teny fikasana io. Ary rehefa nanamarina an’io teny fikasana io Izy, dia hoy Izy hoe, “Zahao ny Soratra, fa ao Aminy no neverinareo fa anananareo Fiainana Mandrakizay; ary Izy ireo no Hany manambara Ahy.”

¹²⁴ Hoy izy ireo hoe, “Tsy fantatray hoe avy taiza Ianao, mpianatr’i Mosesy izahay.”

¹²⁵ Hoy Izy hoe, “Raha mpianatr’i Mosesy ianareo dia ho nahafantatra Ahy, satria nanoratra ny Amiko i Mosesy.” Hitanareo? Izy ilay fanehoana. Izy no fanamarinan’ny Tenin’Andriamanitra voambara tamin’ny alàlan’i Mosesy.

¹²⁶ Ary amin’izao andro izay iainantsika izao, dia tonga eo amin’ny sehatra Andriamanitra mba hanamarina sy hanaporofo an’ireo Fampanantenany. Noho izany, dia izany no Hazavan’ilay ora, mba ahafahantsika hitsangana sy hazava. Mamiratra eo amintsika indray ny Hazavana amin’izao andro izao, tonga voaseho ny Teny. Izany no Hazavana.

¹²⁷ Tahaka an’io hazavana izay mamiratra ao ivelany io mihitsy, hazavan’ny masoandro, izao maraina izao. Izany no Tenin’Andriamanitra voambara, tsy misy na inona na inona hafa afaka hanome hazavana tahaka an’io. Tsy misy na inona na inona afaka hanao an’izany. Ny hazavananoforonina dia ho may vetivety, sy ireo jiro boribory ary ny zavatra hafa rehetra. Fa io tsy ho diso mihitsy, satria izany no Tenin’Andriamanitra voambara tonga voaseho.

¹²⁸ Hanapoaka jiro boribory iray ireo fanekem-pinoana araanaram-piangonana kely, ary hamotika jiro boribory iray, sy hanimba tariby firaka iray, sy ny zavatra hafa rehetra. Fa ny Tenin’Andriamanitra tsy ho diso mihitsy! Izany dia hijanona ho Izy tenany, foana, ny Teny.

¹²⁹ Matahotra aho fa nihoatra kely ny fotoana aho eto. Na, na mety tsara ny hanohizana sy hanaperana an’ity hafatra ity, sa tsy izany? [Hoy ny fiangonana hoe, “Amena.”—Mpand.] Eny àry.

¹³⁰ Mitsangàna, ary mihazavà, fa tonga aminao ny Hazavana. Ny Teny, Hazavana, dia voamarina.

¹³¹ Ny fomba tokana, amin’ny maha-Andriamanitra, dia Jesosy Kristy no fanehoana ny Tenin’Andriamanitra voambara, ny Hazavan’ilay ora.

¹³² Jaona Mpanao-batisa no Hazavan’ilay ora. Izy no Hazavana talohan’ny na ha-Hazavana an’i Jesosy. Hoy Isaia mpaminany hoe, “Ny feon’ilay miantso mafy any an-efitra, amboary ny lâlan’ny Tompo, ary ataovy mahitsy ny Lâlany.” Izany no Tenin’Andriamanitra voambara, nipetraka teo Izany, tsy mbola

tonga tamin'ny fiainana. Malakia, ilay mpaminany farany, efajato taona talohan'ny nisehoan'izany, hoy izy hoe, "Indro, maniraka ny Irako eo Aloha Aho, mba hanamboatra ny lâlan'ny Tompo." Indro ny anankiray nivoaka avy tany an-efitra, tsy nanana anaram-piangonana, tsy nanana fanekem-pinoana, tsy nanana fanondroana. Fa ny Hazavany no nanondro azy. Ny Teny no nanondro azy.

Hoy izy ireo hoe, "Ianao ve no ilay Mesia?"

¹³³ Hoy izy hoe, "Tsy izy aho! Fa izaho no feon'ilay miantso mafy any an-efitra hoe, 'Amboary ny lâlan'ny Tompo!'"

¹³⁴ Hoy Jesosy hoe, "Nandeha tao amin'ny Hazavany ianareo." Izy no Hazavana nanjelatra sy namiratra vetivety. Nahoana? Mandra-pahavitan'ilay lâlana, tamin'izay fotoana izay no maty ny Hazavany.

¹³⁵ Tsy afaka mandeha ao amin'io hazavana io ianareo, ianareo Batista, *Ity* no Hazavan'ilay ora! Tonga ny Hazavana. Mitsangàna, ary mihazavà. Ny Teny, Hazavana. Teny, ny Tenin'Andriamanitra voaseho (voatondro) dia Hazavana iray.

¹³⁶ Ankehitriny ahoana ny amin'ny taona vaovao izay atrehantsika? Afaka manana betsaka ho lazaina isika eo amin'ity anelanelana ity, avy amin'ny aizina mankany amin'ny Fahazavana, ny fampidirana ny Hazavana dia tonga eo anelanelana, saingy ankehitriny dia te-hiditra avy hatrany ao amin'ilay taona vaovao isika. Eny àry.

¹³⁷ Taona vaovao, taona vaovao, ahoana ny amin'izany? Mitondra fanantenana vaovao. Eo amin'ny taona iray akaiky kokoa isika. Eo amin'ny andro iray akaiky kokoa nohon'ny nisy antsika omaly isika. Eo amin'ny ora iray akaiky kokoa nohon'ny nisy antsika tamin'ny nanombohako isika, dimy ambin'ny folo—tamin'ny iraika ambin'ny folo latsaka dimy ambin'ny folo minitra, amin'ny roa ambin'ny folo latsaka dimy ambin'ny folo izao ankehitriny. Ora iray akaiky kokoa isika! Tsy mijery any aoriana isika, mijery mankany aloha isika. Hitanareo? Oh! Eny, tompoko. Ny taona vaovao dia tsy midika hoe mamadika pejy vaovao iray. Hah-ah. Tsia.

¹³⁸ Tahaka an'ilay lehilahy indray maraina; nandre an'izany aho. Nifoha maraina be ny lehilahy iray ary nivoaka ka naka ny gazety, niverina, ary nipetraka, nametraka ny tongony teo ambonin'ilay sezalava, nanao ny solomasonry, nanomboka namaky an'ilay gazety. Ny vadiny, nanamboatra ny sakafo maraina teo, hoy izy hoe, "John, misy zava-baovao ve?"

¹³⁹ Hoy izy, "Tsia. Ilay zavatra taloha ihany, ny olona fotsiny no vaovao." Hia. Marina izany. Mpamono olona, mpanolana sy ny sisà, fa olona hafa iray no nanao azy, hitanareo. Marina.

¹⁴⁰ Tsy mamadika pejy vaovao iray. Izany dia, mamadika ao amin'ny Teny, mijery hoe inona no ampanantenain'ny Teny ho

an'ny androany, mijery hoe natao ho inona ny Hazavan'ilay andro. Ny tokony hataontsika amin'ity taona ity dia tsy ny miverina any amin'ireo fanekem-pinoana sy ny sisa, miverina any amin'ireo anaram-pianganantsika taloha, tsy miverina any amin'ireo anaram-pianganana taloha; fa mamadika ao amin'ny Teny, mijery hoe karazana Hazavana inona no natao hihiratra androany. Oh, ry fiangonana, mamadiha ao amin'ny Teny, miverena ao amin'ny Teny, piho ilay fanapihan-jiro marina, ajanony ny fanakorontanana an'ireo jiro elektrika, hitanareo,noforonina, nataon'olona. Mamadiha ao amin'Ny Teniny dia jereo ny teny fikasan'ny androany. Ary avy eo dia jereo hoe inona ilay teny fikasana, dia diniho ny fanondroany. Rehefa voamarina ilay izy, amin'izay fotoana izay dia fantatrareo na ao amin'ny Hazavana ianareo na tsia. Jereo hoe inona ilay teny fikasana.

¹⁴¹ Ny manova an'ireo pejy na manova an'ireo alimanaka dia tsy manova ny fotoana. Olona marobe no milaza hoe, "Eny, lasa ny taona taloha, ario any ilay alimanakan'ny Desambra tranainy ankehitriny ka apetraho ilay anankiray hafa, taona vaovao iray." Izany, izany no dikan'ny taona vaovao ho azy ireo.

¹⁴² Ho ahy, dia te-hahita an'izay nampanantenaina ho an'ilay andro aho. Te-hahafantatra aho hoe inona ny Hazavan'ilay ora, mba ahafahako mahafantatra hoe ahoana no andehanana ao amin'izany. Te-hahafantatra aho hoe aiza aho no miaina, taona inona no misy ahy, aiza ho aiza amin'ilay lalana no misy ahy.

¹⁴³ Araka ny nolazain'i Paoly, afaka mitsangana manonona indray aho hoe, "Manadino an'ireo zavatra tamin'ny lasa, ankehitriny dia mandroso mankany amin'ilay marika aho, ilay antso avy any amin'ny avo," mankany amin'ny fanondroana tanteraka, rehefa hiditra ao anatin'ny Mandrakizay ny fotoana rehetra rehefa tonga Jesosy.

¹⁴⁴ Manaova tahaka ny nataon'i Davida, apetraho eo an-Tanany ny ho avinareo. Aza mijery zavatra hafa, fa apetraho ny... Davida no nilaza eto, hoy izy hoe—hoy izy, "Eo an-Tanany ny androko." Mahamarika ianareo eto amin'ny Salamo izay namakiantsika an'izany, ao amin'ny 62 hoe, "Eo an-Tanany ny androko. Izy no vatomampiko." Inona Izy? "Voambara tamiko Izy. Izy no Fahamarinana voambara. Eo an-Tanany ny androko." Amena. Oh, oadray! Eo ianareo izao.

¹⁴⁵ Azy ny androko. Azy aho. Eo an-Tanany aho satria Izy no mihazona ny andro. Tsy fantatro izay hazonin'ny ho avy, saingy fantattro fa Izy no mihazona ny ho avy. Noho izany, Izy Izay mihazona ny ho avy no mihazona ahy. Noho izany dia nahoana aho no tokony hieritreritra ny amin'ny handaminana an'ity, itsy, ny *hafa* ho an'ilay taona vaovao? Mametraka ny tenako fotsiny eo an-Tanany aho, mandeha tahaka ny nataon'i Davida hoe, "eo an-Tanany ny androko," nahafantatra fa Andriamanitra no nihazona ny ho avy. Tsy fantatr'i Davida hoe inona ny ho

avy, saingy fantany fa Andriamanitra no nanana ny ho avy. Tsy fantattro hoe inona ny ho avy, tsy mahafantatra ny iray amintsika. Saingy fantatsika fa Izy no mihazona ny ho avy.

¹⁴⁶ Faharetana. Faharetana. Ny sasany amintsika dia lasa tena, ny sasany amintsika dia lasa tena maika. Heveriko fa maro ny olona tsara nanao an'izany. Ianareo dia lasa tena—tena maika be loatra. Ianareo dia te, hitanareo, te-hanao an'ilay izy samirerry ianareo.

¹⁴⁷ Ary ry rahalahy mpitoriteny, fantatrareo avy amin'izay noresahako, ianareo izay mihaino an'ity horonam-peo ity. Miresaka aminareo aho, tsy ho an'ilay fiangonana kely eto fotsiny ihany, fa ireo lehilahy manerana an'izao tontolo izao.

¹⁴⁸ Mivoaka ireo lehilahy, tsy maharitra; nefo mino fa akaiky ny fotoana, miezaka manao zavatra iray ianareo amin'ny tenanareo. Miandrasi ny Tompo. Ny faharetana dia hery. Raha afaka manana faharetana ianareo, dia izany no hery. Hery izany raha ianareo... “Izay miandry ny Tompo dia hanavao ny heriny.” Tsy hoe izay miezaka hohoatra ny Tompo, izay miezaka hiteny amin'ny Tompo hoe, “Tompo, fantattro fa Tiana aho hanao an'ity, ary voninahitra ho an'Andriamanitra fa izaho...” Aza manao an'izany. Miandrasi ny Tompo. Hoy ny Baiboly hoe, “Izay miandry ny Tompo dia hanavao ny heriny.”

¹⁴⁹ Nila an'arivony taona Andriamanitra hanatanterahana ny Fampantanantenany ny amin'ny fihavian'ny Mpamony iray. Saingy, tsarovy, efa Fantany foana izany, hoe rahoviana no ho tonga ilay izy. Nisy olona maro nitsangana ka niezaka ny ho mesia. Fiangonana maro no niezaka namokatra mesia. Saingy Andriamanitra no nametraka ny fotoana ho an'Ny Mesiany. Tsy maika Izy. Hitanareo?

¹⁵⁰ Ary, nandritr'i fotoana io, dia naneho karazana Mesia maro Izy. Nasehony foana izany nanomboka tamin'i Adama hatrany amin'ilay Mesia, Adama voalohany sy farany; ny iray tamin'izy ireo dia avy tamin'izao tontolo izao ary ilay Iray hafa avy tany An-danitra, ny iray avy tamin'ny tany ary ny Iray hafa avy tany An-danitra, ny Iray nidina avy tany An-danitra ary ilay iray hafa nivoaka avy tamin'ny tany. Saingy nampanantena Mesia iray, dia nila an'arivony taona Izy hanatanterahana an'izany.

¹⁵¹ Nasehony tao amin'i Josefa marina tokoa hoe inona Izy. Josefa no nanao sary Azy.

¹⁵² Nanao sary Azy i Davida. Rehefa mpanjaka iray nolavina i Davida, niakatra teny an-tampon'ny havoana ka niondrika ary nitomany an'i Jerosalema, satria mpanjaka iray nolavina, dia Jesosy tao amin'i Davida izany. Valonjato taona taty aoriana, dia nitsangana teo ambonin'i Jerosalema amin'ny maha-Mpanjaka iray nolavina, nanao hoe, “Ry Jerosalema, ry Jerosalema, impiry moa Aho no te-hanomba anao tahaka ny akohovavy manomba ny zanany, saingy tsy nety ianao.”

¹⁵³ Jereo i Josefa, teraka teo anivon'ireo rahalahiny, ireo patriarka; tsy ilay anankiray farany (alohan'ilay anankiray farany; Benjamina no anankiray farany), fa alohan'ilay farany mihitsy, hitanareo, alohan'izany mihitsy. Nankahalain'ireo rahalahiny, tian'ny rainy. Nankahalaina izy satria lehilahy arapanahy iray. Afaka nandikanofy izy, tena marina tokoa izy ireo. Afaka nahita fahitana izy, nilaza mialoha an'izay hitranga. Dia nankahala azy izy ireo. Namidy tamin'ny volafotsy madinika telopolo izy.

¹⁵⁴ Inona no antony nankahalain'izy ireo an'i Jesosy? Nantsoin'izy ireo hoe Belzeboba Izy satria Izy no Teny, ary ny Teny dia afaka mamantatra an'ireo eritreritra izay ao am-po. Nankahala Azy izy ireo. Ary nivarotra Azy tamin'ny volafotsy madinika telopolo izy ireo.

¹⁵⁵ Natsipy tao anatin'ny lavaka iray izy, Josefa izany, noheverina ho faty. Tavela tany aoriana ny akanjony feno rà, tahaka ny lamban'i Jesosy feno rà izay nesorina teny amin'ny hazo fijaliana, ilay akanjo izay Nanaovany, mba hanondro ny Fahafatesany. Saingy inona no nataon'Andriamanitra tamin'i Josefa? Nentiny niakatra avy tao amin'ilay lavaka izy, napetrany teo an-tànana ankavanan'i Farao. Ary tsy nisy olona afaka nahita an'i Farao, fa nahita an'i Josefa irery ihany. Ary rehefa niala ny lapa i Josefa, dia naneno ireo trompetra ka nivoaka ny filazana hoe, "Ny lohalika rehetra mandohaleha, manatona i Josefa."

¹⁵⁶ Ilay zavatra iray ihany, Jesosy. Nalaina avy tao anatin'ny lavaka Izy, noheverina fa maty Izy, ary nitsangana ka mipetraka eo an-tànana ankavanan'ny Fiandrianana. "Tsy nisy olona nahita an'Andriamanitra tamin'ny fotoana rehetra, fa ilay Lahitokan'ny Ray irery ihany. Ary rehefa miala eo Izy, dia haneno ireo trompetra, ka handohalika ny lohalika rehetra ary ny lela rehetra hiaiky." Hitonareo, Izy no Andrian'ny fanambinana. Jereo hoe inona no nataon'i Egypta tamin'izany, namonjy an'izao tontolo rehetra izao izy, tonga ny haintany. Noho izany, dia ho toy izany koa amin'ny fihavian'ny Zanak'olona. Ny lohalika, handohalika ny lohalika rehetra ary ny lela rehetra hiaiky ny maha-izy Azy.

¹⁵⁷ Voaseho tanteraka ao amin'ireo tandindona Izy, saingy fantatr'Andriamanitra marina tokoa hoe rahoviana Izy no ho avy. Fantany marina tokoa hoe rahoviana Izy no ho avy. Tsy mampaninona na firy no nananan'izy ireo talohan'izany, fa efa nanana Ny Mesiany Izy. Nasehony tamin'izy ireo tao amin'ny tandindona, izay ho avy.

¹⁵⁸ Tahaka ny Nanehoany tamintsika marina mihitsy tokoa an'ireo Taona Fiton'ny Fiagonana, izay ho avy. Izay Nanehoany tamintsika marina mihitsy tokoa an'izay ho avy rehefa nametraka an'io Hazavana eo io Izy, tao amin'ny fanambarana

an'izany, mba haseho amin'izao tontolo izao. Rehefa naniraka an'ireo Anjely fito Izy hanambara an'ireo iraka fito izay nidina tany, sy haneho an'ireo tavela nihantona, isan'andro ny Anjely tsirairay dia tonga ka nanambara fa ireo tavela nihantona izay navelan'i Luther, sy navelan'i Wesley, ary navelan'ny Pentekosta, dia voaseho ao daholo. Ary tao amin'ilay tena tandindona sy alok'ilay Shalom lehibe mihitsy, Jehovah, Jvh. Hitanareo? Marina tokoa. Nandefa an'Izany teny amin'ny lanitra, ary nisy maso mekanika teo naka sary an'Izany. Hitanareo? Misaotra ny Tompo!

¹⁵⁹ Shalom! Fiadanana! Aza reraka, eto Jesosy. Tonga amintsika ny Hazavany Lehibe, ary mankasitraka isika ny amin'Izany, eny, Ny Teniny, ilay zava-miafina lehibe. Eto Izy androany maneho ny Tenany, manao an'ilay iray ihany izay Nataony tamin'izany, ilay iray ihany mihitsy. Manao an'ilay zavatra iray ihany.

¹⁶⁰ Isika no famororan'ny fotoana. Izy no Andriamanitry ny Mandrakizay. Miezaka manery ny tenantsika isika, miezaka manao zavatra hafa isika hoe, "Oh, *ity* no tsy maintsy vita." Tsarovy, Fantany ny rehetra mikasika an'izany. Hitranga izany, na ahoana na ahoana. Avelao Izy hanao an'izany. Apetraho Aminy fotsiny ny tenanareo.

¹⁶¹ Miandrindrà, ka mihazavà amin'ny fifalian'ny Tompo, mba hahafantatra fa nanana tombontsoa ianareo, mahiratra ny masonareo ka mahita an'ity andro ity. Matokia Azy ny amin'ny ho avy. Efa nahita Azy nanamarina Ny Teniny ianareo tamin'ny andro lasa. Izy izay nanamarina Ny Teniny tamin'ny andro lasa ka nanao an'ireo zavatra hafa ireo hitranga marina tokoa ho an'ilay ora izay iainantsika, ny zavatra rehetra marina tokoa, hatramin'ny Hafatr'ilay anjely fahafito, sady naneho an'Izany teny amin'ny lanitra, no teto an-tany, ka nanao an'Izany ho fantatra tamin'ny fomba telo mba tsy hahatonga an'izany hisy fahadisoana, tsarovy, Izy no nampanantena fa ho tonga indray Izy. Haleloia! Ho voamarina izany Teny izany. Tenin'Andriamanitra nampanantaina, izay nandrasana roa arivo taona, ho tonga ara-potoana Izy! Aza reraka, ho eto Izy. Tahaka ny Nanamarinany Ny Teniny tao amin'ny taona tsirairay, no anehoan'ireo Taom-Piagongana an'ilay zavatra iray ihany, sy ny fanambarana ny Tompontsika tamin'ny Hafatrta fahafito, sy ny sisa. Andriamanitra no nanambara an'izany, naneho an'izany, ary nanaporofa an'izany. Ary teto anivontsika androany, naneho ny Tenany teto niaraka tamintsika Izy, sy nanaporofa ary nanamarina Ny Teniny. Ho toy izany koa Izy!

¹⁶² Hisy Arivo taona iray. Ireo antitra dia ho tanora mandrakizay. Hanjavona ny aretina ary tsy hisy intsony ny fahafatesana. Hanorina trano izy ireo, ary izy ireo no hipetraka ao amin'ireo. Hamboly voaloboka izy ireo ka hihinana ny voany. Tsy hamboly izy ireo ka ny hafa no hipetraka (ny zanany no haka an'izany), ny zanany dia hipetraka eo akaikiny. Tsy hamboly izy

ka ny hafa no mihinana, tsy ho faty ka olon-kafa no haka an'izany; fa izy no hipetraka ao. Amena. Hiaraka hihinana ny lopa sy ny zanak'ondry. Ary ny liona hihinana mololo tahaka ny ombilahy, ka ny ankizy no hitarika azy ireo. Hisy—hisy hitsimpo ao. Hisy—hisy—tsy hisy na inona na inona afaka handratra ao. Hovaina avy amin'izay maha-izy antsika ankehitriny isika, ho amin'io endrika be voninahitra an'ny Zanak'Andriamanitra Izay tsy mety maty io. Tsy afaka hikasika Azy mihitsy ireo taona, tsy afaka hanao na inona na inona Aminy mihitsy ny taona, Izy no Zanak'Andriamanitra tsy mety maty. Noho izany dia fantatsika fa—fa eo amin'ny andro farany isika izao. Eo amin'ilay fihaonan-dàlana isika. Ireo zavatra rehetra ireo dia nanondro marina tokoa, ka ho toy izany koa no hahavoatondro azy indray.

¹⁶³ Ankehitriny, ny ho avy, Izy no mihazona an'izany. Ahoana no ahafantarako hoe rahoviana Izy no ho avy? Rahoviana Izy no ho avy? Tsy fantatro, saingy ho eto Izy. Marina izany. Rahoviana Izy no hanao an'ity sy ity? Rahoviana no hiala amin'ny tany ny ozona? Rahoviana ireo taratra voatahy an'ny ftiavan'Andriamanitra, an'ireo hazo mitsangana eto sy mamiratra, ary ireo voninkazo sy ny sisa, rahoviana no ho lasa tsy mety maty izy ireo? Tsy fantatro, saingy ho izany izy ireo. Rahoviana ireo taratra rehetra an'ny fon'ny olona maniry ho velona, sy ireo hopitaly sy dokotera sy fandidiana, ary ireo tomaly sy alahelo, rahoviana no hitsahatra izany rehetra izany, ho amin'ny fanjakana iray be voninahitra miaraka amin'i Jesosy an'ny arivo taonan'ny Shalom? Rahoviana izany? Tsy fantatro. Izy no nilaza fa ho eo izany. Tsy fantatro hoe ahoana no Hanaovany an'izany, saingy Ny Teniny voambara dia ho voamarina rehefa hiposaka ilay Masoandonron'ny Fahamarinana miaraka amin'ny fanasitranana eo amin'ny Elany. Ary ilay ampanhan'ny fanasitranana eo dia tsy ho fanasitranana arabatana iray araky ny eritreretinareo, toy ny milaza fa manana aretina iray ny olona iray ka ho esorina amin'izy ireo izany. Izany no Ataony ankehitriny, ao amin'ny tandindona. Fa ilay olona manontolo no hovaina! Ity mety maty ity dia hitafy ny tsy mety maty. Ity taona antitra ity dia hivadika ho tanora. Amena. Eny, ahoana no hampisy an'izany? Tsy fantatro, saingy ho eo izany.

¹⁶⁴ Miha-antitra aho, ny tenako. Ity taona ity, raha mamela ahy ho velona ny Tompo mba hahita ny faha-6 Aprily, dia ho dimy amby dimampolo taona aho, lehilahy antitra iray. Saingy izaho tsy mijery . . . Tsy te-hiverina ho zazalahy iray indray aho. Te-handroso mankany amin'io marika any io aho, ho an'izay tanjona nahatongavako. Teo amin'ny telopolo taona mahery kely teo ankehitriny no nitsanganako teo ambadik'ity birao ity, hatramin'ny naha-zazalahy kely iray roapolo taona mahery kely, teo amin'ny iraika amby roapolo, roa amby roapolo taona teo, no niezahako nanambara an'ity Hafatra ity. Ary ny lanjan'ny

heriko rehetra no napetrako teo amin'Izany. Raha milatsaka ny soroko ary mivadika ho fotsy ny voloko ka mihintsana, dia tsy hitodika amin'izany aho, hiverina ho amin'izany indray izy. Mijery any amin'ilay fiposahan'ny andro aho izay nisy ny Tenin'Andriamanitra voamarina nanao hoe "tsy hisy volo iray amin'ny lohanareo ho levona, fa Izaho no hanangana an'izany indray amin'ny andro farany." Ahoana no Hanaovany an'izany? Tsy fantattro. Saingy izaho dia matoky ny . . .

¹⁶⁵ Ny taona vaovao, tsy fantattro izay hazoniny, saingy fantattro fa Izy no mihazona azy. Izany ireo fanantenan'ny taona vaovao izay ananako. Raha tonga Izy, Amena. Raha tsy tonga Izy, dia mbola hiasa foana aho raha mitahiry ahy Izy. Matoky ny ho avy eo Aminy fotsiny aho. Tsy fantattro hoe inona ilay izy, matoky an'izany eo Aminy fotsiny aho. Efa nahita Azy nanamarina Ny Teniny ianareo, noho izany dia fantatrareo fa ho vita izany. Ny Teniny!

Hoy ianareo hoe, "Rahalahy Branham, ahoana no ahitanao an'izany?"

¹⁶⁶ Eny, mamelà ahy hanome fisainana iray ho anareo eto iray minitra fotsiny. Fantatrareo ve hoe inona ny rindram-peo iray? Fantattro fa mahafantatra ianareo. Mozika iray izany, tantara iray izany. Hitanareo, izany no lalaovin'izy ireo.

¹⁶⁷ Ankehitriny, ianareo ankizy kely, mba hahazoanareo. Tsaroanareo tany—tany an-tsekolys, mino aho fa ianareo dia manana ny . . . Inona moa ilay rindram-peo Rosiana kely, matetika izy ireo—milalao eo amin'ireo amponga izy ireo, fantatrareo fa izany dia antsoina, tsy izany ve ilay . . . mikasika an'ilay—ilay vorona mpisikotra hodi-kazo kely, fantatrareo, izay nankany anaty ala; ary nanana an'ireo fikopaky ny elatra izy ireo, ny fidobok'ireo amponga sy ny sisa. Ary mandre an'izany rehetra izany ianareo raha mankany amin'ilay firindram-peo, rehefa mitendry an'izany izy ireo. Adinoko ilay anaran'izany hoe, "Petera sy ilay Lopa." Marina izany, "Petera sy ilay Lopa." Ankehitriny, izany dia—rindram-peo Rosiana iray izany. Hitanareo, izy ireo tsy—izy ireo tsy manana kely—olona kely manidina eo, mitendry an'izany, fa mitendry an'izany eo amin'ireo amponga [Mandondôna eo amin'ny hazo iray Rahalahy Branham—Mpand.], ary avy eo [Mandondôna eo amin'ny zavatra hafa iray Rahalahy Branham], ary manao an'ireo amponga sy ireo feo sy ny sisa. Izany no mitendry an'ilay izy, izany no milalao an'ilay izy. Noho izany, ho azonareo izay ezahan-dRahalahy Branham ho lazaina. Hitanareo?

¹⁶⁸ Ankehitriny ho anareo olon-dehibe, ny Soratra no Firindram-peon'Andriamanitra. Eny. Haleloia. Ilay Mpamoron-kira irery ihany no mahafantatra hoe inona marina no dikany ka Izy no manambara azy amin'ireo izay mihaino, ireo izay liana amin'ny fahafantarana hoe inona ilay tantara. Fa tsy maintsy

mahafantatra mikasika ny rindram-peo iray aloha ianareo, hitanareo. Izany dia tsy zavatra iray fotsiny izay jerenareo, izany dia ilay—ilay fiovana, ilay fihaonan-dàlan’ny Teny, an’ilay mozika. Izany dia mandeha; indraindray izany dia mandeha amin’ity fomba ity vetivety, fidobohana iray, afaka kelikely dia miova izy rehetra. Inona izany? Ho anareo izay tsy nahazo an’Izany na tsy mahafantatra na inona na inona mikasika an’Izany, tsy liana amin’Izany, dia tabataba iray fotsiny izany, korontana iray. Saingy ho an’ireo izay mahafantatra mikasika an’Izany, dia miandry an’Izany izy ireo, fantany fa ho tonga Izany. Haleloia!

¹⁶⁹ Noho izany dia manana an’ireo fotoan’ny firindram-peon’ny Firindram-peon’ny Tenin’Andriamanitra isika, hoe miova ilay tantara manontolo. Ianareo izay liana, dia henoy io fiovana io. Fantatrareo fa miha-manakaiky izany. Mandre ny fomba idobohan’ireo amponga ianareo, amena, mila zavatra iray hitranga. Fantatrareo fa izao no fiovana iray, hitanareo, hitsofoka ao amin’ny fipoahana iray izany ao anatin’ny minitra vitsy. Hitanareo? Ary miandry an’izany ianareo, dia afaka miteny ny fomba izay andehanan’ireo amponga. O Andriamanitra! Raha afaka mandre an’ireo ampongan’ny fiafarana ianareo ankehitriny, raha afaka mandre an’ilay akon’ny mozikian’ny Teny avy any An-danitra mihira ny Tenamy ianareo hoe, “Ary izao no hiseho amin’ny andro farany!” Ilay rindram-peon’ny tantaran’Andriamanitra lehibe izay Tendreny, Izany no manova Azy, ny Rindram-peony ao amin’ireo fihaonan-dàlana. Ilay mpamoron-kira sy ireo izay liana, no mihaino an’ilay fiovana. Izany ity karazan-javatra rehetra ity ho antsika, mihaino isika, mandinika isika. Isaky ny miseho Izy, misy zavatra mitranga, dia mahita ny fotoana miha-manakaiky isika. Hitantsika tany aoriana tany vao tsy ela akory izay rehefa vita sary ireo Taom-Piangonana, dia nihaino isika. Hitantsika fa araky ny Teny mihetsy izany, midoboka miaraka amin’ny Teny. Afaka kelikely, dia inona no nitranga? Indro tonga Izy, Izy tenany, ka nanamarina an’izany.

¹⁷⁰ Nandre ny Teny isika nilaza fa, “Amin’ireo andron’ny anjely fahafito.” Tao amin’ny Taom-Piangonana, dia nilaza fotsiny Izy hoe, “Ny Hafatry ny anjely fahafito no ho Hafatry farany.” Ary avy eo, oh, dia mahita isika eto ao amin’ny Apokalypsy 10 hoe, “Amin’ireo andron’ny Hafatry ny anjely fahafito, dia hifarana ireo zava-miafin’Andriamanitra,” hisokatra ny Tombokase Fahafito. Tokony ho eo izany. Avy eo tampoka teo, rehefa nitranga izany, dia niseho ny fahitana iray, nanao hoe, “Mandehana mankany Tucson, hisy tabataba lehibe iray hiseho amin’io fotoana io mba hahazoanao marina tokoa sy hahafantarao fa nalefa izany. Hanozongozona ny tany mihetsy izany, saiky.” Mahafantatra mikasika an’izany ianareo rehetra. Ao amin’ny horonam-peo izany, volana maro talohan’ny

nitrangany. Avy eo dia nitranga izany! Avy eo dia niseho teny amin'ny lanitra. "Shalom!" Inona izany? Izany no fiovan'ny fidobohana, ilay rindram-peo.

¹⁷¹ Avy eo indray mandeha dia nilaza mikasika ny Sintona Fahatelo Izy; ahoana fa ho tonga amin'io fomba iray io izany, avy eo dia amin'ny fahafantarana ny fo, ary avy eo dia ny Teny voambara.

¹⁷² Hoy Jesosy hoe, "Hanao zavatra lehibe kokoa noho izany ianareo; satria handeha hankany amin'Ny Raiko Aho." Jaona 14, "Ireo asa izay Ataoko, no hataonareo koa; lehibe kokoa noho izany, satria handeha ho any amin'Ny Raiko Aho." Tahaka ny olazzaiko vao teo fotsiny, rehefa niezaka ny nanondro Azy ho zanak'i Josefa i Maria, dia nanitsy azy Izy. Tsy mety diso Ny Teniny! Izy no nilaza an'izany hoe, "Ny lanitra sy ny tany ho diso, fa Ny Teniko tsy ho diso."

¹⁷³ Rehefa mandre an'ilay rindram-peo midoboka isika, miova, vonona hiova, dia izany no fihaonan'ny fotoana. Mahamarika isika rehefa manomboka Izy mba—mba hikapoka, ary nahita isika hoe, "Ireo asa izay Ataoko, no hataonareo koa, ary hanao lehibe kokoa ianareo." "Lehibe kokoa," Izy no nampantanena an'izany. Manontany isika hoe ahoana no hampety an'izany.

¹⁷⁴ Saingy efa voamarikareo ve fa rehefa nanao ny Fahagagany voalohany Izy, dia naka rano Izy ka namadika an'izany ho divay. Marina ve izany? Naka rano Izy, izay mety ho efa divay tamin'ny ampahany indray andro, saingy rano aloha ilay izy.

¹⁷⁵ Ary rehefa namahana dimy arivo Izy, dia inona no Nataony? Naka zavatra hafa iray Izy izay efa nisy tahaka ny rano, naka trondro iray Izy izay nandro indray mandeha ary teraka avy tamin'ny atody iray, dia Novakiany izany, ary nisy trondro hafa iray nitombo tao amin'ilay famoronana izay efa famoronana tany am-boalohany. Naka mofo Izy izay efa vary indray mandeha, ary efa voa iray ka lasa mofo, dia namaky avy tamin'io mofo io Izy ka ilay famoronana ihany no nitombo.

¹⁷⁶ Fa tany anaty ala, dia tsy nisy na inona na inona hanao vontsira iray tany. "Aoka hisy," ary nisy izany, tsy nisy na inona na inona namakiana an'izany. Inona izany? Ilay Jesosy Kristy tsy miova! Hitanareo? "Hanao zavatra lehibe kokoa noho izany ianareo, satria mankany amin'Ny Raiko Aho." Tsy hoe maka zavatra izay efa noforonina, mamaky zavatra iray avy amin'izany ka mampitombo famoronana iray, fa mamorona tanteraka mihitsy. Maneho fa Izy no ilay Jehovah tsy miova izay nitsangana tany ka nanao hoe, "Aoka hisy," dia nisy izany. Tonga voaseho Ny Teniny! Rehefa tonga nofo teto an-tany Izy, dia Nalainy ny Famoronany tany am-boalohany, namaky an'izany indray ka nampitombo an'izany. Fa ankehitriny ao amin'ny andro farany, rehefa midina eto anivontsika indray Izy, ilay Hazavana iray ihany izay nidina, no nanao hoe "aoka hisy

mazava,” hitanareo, niteny fotsiny an’ilay famoronana ho tonga eo amin’ny fisiana Izzy. “Hanao lehibe kokoa noho izany ianareo, satria mankany amin’Ny Raiko Aho.” Tsarovy, ao amin’ireo fotoana ireo isika izao.

¹⁷⁷ Ary tsy mahazo izao tontolo izao, satria hoe, “Izany dia andiam-pahadalana iray.” Satria tsy Metodista izy ireo, dia tsy mahazo an’Izany ny Metodista. Satria izany, tsy Batista izy ireo, dia tsy mahazo an’Izany ny Batista. Satria tsy Katolika Izany, dia tsy mahazo an’Izany ny Katolika. Satria tsy Pentekotista Izany, dia tsy mahazo an’Izany ny Pentekotista.

¹⁷⁸ Fa ireo izay miandry ny Tompo, ireo izay mijery! Tsy lehilahy iray izay ananantsika tantara avy amin’ny trano fandinihana iray, izay mahafantatra fa nandalio Kintana io. Fa ireo olon-kendry niseho no nanaraka an’Izany nandrity ny an-jatony maily, nandrity ny roa taona, nandinika an’Izany izy ireo ka nanaraka an’Izany. Hitanareo ve izay tiako ho lazaina? Izany dia ho an’ireo izay mihaino an’ilay rindram-peo.

¹⁷⁹ Tsarovy, ilay Mpamoron-kira no mahafantatra ny farany hatrany amin’ny voalohany. Izzy no mahafantatra ny rehetra mikasika an’izany, izany no antony Nahafahany nanoratra an’izany eto. Marina tokoa. Ankehitriny dia tsy maintsy manomboka miaraka Aminy ianareo, tsy maintsy manomboka ianareo. Raha te-handre rindram-peo iray ianareo, dia manomboha miaraka Aminy tahaka ny mozika ao amin’ilay rindram-peo. Mihaino ianareo, fantatrareo izay lazainy, dia ho izany ilay firindram-peo, avy eo dia manomboka mihaino an’ilay mozika ianareo. Ary fantatrareo hoe inona ilay izy, noho izany dia fantatrareo fotsiny ny mikasika ny hoe, “Eto ireo zavatra *izao-sy-izao* no miseho, ankehitriny dia tsy maintsy hiova izany.” Ankehitriny, ho an’ny olona hafa izay tsy mahafantatra na inona na inona mikasika ny amin’ny hoe inona izy ireo... miditra fotsiny izy ireo ka mipetraka, andiam-pahadalana iray fotsiny izany, tabataba mikorintsana. Fa ilay anankiray izay mahafantatra hoe inona ilay izy, izany no midoboka miaraka amin’ilay mozika, midoboboboka miaraka amin’ireo naoty, izany no—izany no tsofina miaraka amin’ireo trompetra, izany no tendrena eo amin’ny harpa, izany no lalaovina miaraka amin’ny lokanga, izany no—izany no midoboka eo amin’ny beso, izany no tsofin’ireo trompetra, izany no midoboka eo amin’ireo amponga. Ilay zavatra manontolo dia miaraka ao amin’ny paikan-kira, ary izany no manao an’ilay—ilay tantara hany ka afaka manakimpy ny masonareo ianareo ka miaina ao anatin’izany. Haleloia!

¹⁸⁰ Afaka manakimpy ny masonry mety maty amin’ireo fampisehoana eto an-tany ny olona ka miaina ao amin’ny Fanatrehan’i Jesosy Kristy, rehefa mahita Ny Teniny midoboka ao anatin’ilay rindram-peo lehibe izay ianantsika ankehitriny ianareo, miova. Tsy maintsy manomboka ao amin’ilay Firindram-peo ianareo. Ny zavatra tokana azonareo hatao

raha ao amin'ilay Firindram-peo ianareo, izay anombohanareo avy eo, dia manomboka miditra ao amin'ilay paikan-kira ianareo. Tahaka an'izany no ataonareo amin'Andriamanitra. Tsy mihataka ianareo ka mijery an'izany. Miditra ao amin'ilay paikan-kira an'Izany ianareo! Ahoana no idiranareo ao? Teraka tao anatin'Izany ianareo, tao amin'ilay paikan-kiran'ny Teny, rehefa lasa ampanhan'io Teny io ianareo.

¹⁸¹ Tsy maintsy lasa ampanhan'ilay dihy ianareo mba hivoaka avy ao amin'ilay dihy. Tsy maintsy lasa ampanhan'ilay lalao baolina ianareo, zavatra iray izay mahaliana anareo, mba hidirana ao amin'ilay lalao baolina.

¹⁸² Tsy maintsy lasa ampanhan'ny Teny ianareo, mba hahafantatra ny Rindram-peon'Andriamanitra. Ny Rindram-peony dia rehefa mitendry Izany, dia mahazo ianareo, mamindra miaraka amin'ilay fidoboky ny fotoana ianareo. Miandry an'izany ianareo hoe, "Ireo asa izay Ataoko, no hataonareo koa; hanao lehibe kokoa noho izany ianareo," amin'ireo andro farany ireo. Oh, oadray! Ilay fiovana lehibe an'ny fotoana. Miditra ao amin'ilay fidobohana isika, fidobohan'ny Teny. Tadiavo ny Tanjony, ilay ora izay iainantsika. Midira ao amin'ilay paikan-kiran'izany, ahoana no... ahoana no Anaovany an'izany. Raha miditra ao amin'ny Teny ianareo, dia hitanareo hoe ahoana no Nanaovany azy tany amin'ny voalohany, avy eo dia fantatrareo hoe ahoana no Anaovany azy foana.

¹⁸³ Ahoana no Nandefasany Ny Hafany, aloha? Inona no Ataony? Tsy mifanaraka amin'ireo rafi-pandaminana Izy. Tsy nifanaraka mihitsy Izy, noho izany dia tsy manao an'izany Izy ankehitriny. Izany dia eo, raha mihaino paikan-kira iray avy amin'io Fiombonamben'ny Fiangonana io ianareo, dia ao anatin'ny aizina. Fa raha mihaino an'ilay paikan-kiran'ny Teny ianareo!

¹⁸⁴ Ho an'ny inona no namonoan'izy ireo an'i Jesosy? "Ianao, izay Olona iray, manao ny tenanao ho Andriamanitra."

¹⁸⁵ Manana ny Hafatroy ianareo eo amin'ny *Ireo Mpino Karazany Telo*. Ahoana fa ilay anankiray dia nitsangana teo ary.... Nisy ireo mody-mpino, nanaraka vetivety izy ireo, nanao ny tenany toy ny hoe nino izy ireo. Ary indray andro dia nilaza tamin'izy ireo Jesosy, nanao hoe, "Inona no heverinareo rehefa ny Zanak'olona, izay avy any An-danitra, no miverina miakatra any An-danitra? Avy any An-danitra Aho, hiverina ho any An-danitra."

¹⁸⁶ Nahoana, niala ilay vahoaka betsaka, ka nanao hoe, "Sarotra izany teny izany."

¹⁸⁷ Avy eo dia tonga ireo mody-mpino izay nandeha niaraka Taminy, ilay fitopolo, rehefa nandre zavatra sarotra iray izy ireo, tsy hitan'izy ireo fa izany... tsy fantatr'izy ireo ilay Rindram-peo. Tsy fantatr'izy ireo ilay Fampanantenana, hoe io Ankizy

io no Jehovah, "Ny Anarany dia hatao hoe Mpanolo-tsaina, Andrian'ny Fiadanana, Ilay Andriamanitra mahery." Ary rehefa nilaza Izzy hoe, "Rehefa miakatra mankany An-danitra avy any amin'izay Nihaviako Aho!"

¹⁸⁸ "Eny," hoy izy ireo, "sarotra izany Teny izany. Iza no afaka hahazo an'Izany? Fantatray fa Lehilahy iray fotsiny Ianao. Mihinana miaraka Aminao izahay, matory miaraka Aminao izahay, ao anaty ala miaraka Aminao izahay, eo amorondrano miaraka Aminao izahay. Eny, Lehilahy iray fotsiny ihany Ianao, nefá milaza fa ny Zanak'olona dia hiverina any amin'izay Ihaviany? Inona no ho Lazainao? Sarotra izany Teny izany!" Hitanareo, tsy fantatr'izy ireo ilay fidobohana. Tsý fantatr'izy ireo ilay paikan-kiran'ny Rindram-peon'ny Tenin'Andriamanitra, hoe Izzy no Andriamanitra voaseho tao amin'ny nofo, satria Izzy no—no Hazavan'ny Teny voamarina an'ilay ora. Tsý azon'izy ireo izany. Hoy izy ireo hoe, "Sarotra izany Zavatra izany. Iza no afaka hahazo an'Izany?" Dia niala izy ireo. Tsý fantatr'izy ireo ilay fidobohana, hitanareo.

¹⁸⁹ Avy eo dia mahamarika indray isika, teo i Jodasy, ilay mody-mpino, na ilay tsi-mpino, izay niandry mandra-pahitany fahadisoana iray. Avy eo dia nitodika tany amin'ireo mpianatra Izzy, voalaza mihitsy hoe roa ambin'ny folo, ka i Jodasy no iray tamin'izy ireo, hoy Izzy hoe, "Ianaeo ve te-handeha, ihany koa?"

¹⁹⁰ Tamin'izay fotoana izay dia hoy i Petera hoe, "Ho any amin'iza moa izahay, Tompo? Ianao no ilay Mpamoron-kira." Amena. "Ianao no mahafantatra hoe ahoana no isehoan'izany. Ianao irery ihany no Anankiray izay manana ny Tenin'ny Fiainana. Aiza no hitodihanay? Tsý afaka hiverina izahay ka ho Fariseo iray, na Sadoseo iray, na Herodiana iray," na mety ho inona ilay izy. "Ianao no Anankiray izay manana ny Tenin'ny Fiainana. Tsý manana toerana hafa haleha izahay. Izahay dia efa, izahay dia efa nanakambana ny tenanay tamin'ity Rindrankira malaza ity. Ao anatin'izahay eto, mihaino izahay, ary ao anatin'ilay paikan-kira izahay. Mino izahay fa Ianao no Zanak'Andriamanitra, ilay Jehovah voaseho. Manana antoka an'izany izahay! Tsý fantatray hoe inona ireo fizahan-toetra lehibe sy olana, sy fahoriany sy ny sisa, ary Ianao no milaza fa Ianao dia 'handeha hiakatra mba hatolotra,' sy *ity* rehetra ity, *itsy*, ny *hafa*, ary 'amin'ny andro fahatelo,' io karazan-javatra rehetra io. Tsý azonay Izany. Fa ao anatin'izahay, mihaino ny Rindram-peon'Andriamanitra, ampanhan'izany izahay. Ary miandry izahay mba hahita an'izay miseho manaraka, ka manaraka akaiky Anao izahay." Oh, oadray! Izany no tiako hatao. Teny fikasana.

¹⁹¹ Ahoana no Nanombobhany? Tahaka ny Nataony tany amin'ny voalohany fotsiny. Hitanareo? Tsý nandefa Ny Hafany tany amin'ny rafi-pandaminana iray mihitsy Izzy. Tsý nandefa Hafatra iray ho an'ny vondrony mihitsy Izzy, nandefa lehilahy

anankiray Izy. Tamin'ny andron'i Noa, dia i Noa izany. Tamin'ny andron'i Mosesy, dia i Mosesy izany.

¹⁹² Nisy an'ireo hafa izay nieritreritra indray andro, ka hoy izy ireo hoe, "Eny, ianao dia manao ny tenanao ho ilay lehilahy tokana masina ao amin'ny andiany." Niondrika teo amin'izany Andriamanitra.

¹⁹³ Nandeha nankeo amin'ny Tompo i Mosesy hoe, "Efa nanao an'ity aho. Inona, inona no tokony hataoko?"

¹⁹⁴ Hoy Izy hoe, "Saraho amin'izy ireo ny tenanao. Izaho no hikarakara ny sisa amin'izany. Izaho no naniraka anao. Andraikitro izany." Dia Nosokafany ny tany ka nitelina an'i Kora sy ny nanakaiky rehetra. Isan'andro.

¹⁹⁵ Tsy afaka ny ho teo tamin'ny fotoana iray ihany i Jaona sy Jesosy. Jesosy... Rehefa niandrandra i Jaona, dia hoy izy hoe, "Ankehitriny izaho tsy maintsy mihena, Izy tsy maintsy mitombo. Izy no Hazavana voamarina." Ho toy izany koa no hanohizan'io Hazavana io mandra-pahitany ny fanamarinana feno tonga. Marina izany. Marina izany.

¹⁹⁶ Izy dia tahaka Azy tany amin'ny voalohany. Toy izany no anombohanareo, toy izany no anombohanareo mianatra hoe inona Andriamanitra. Inona no Nataony fony Izy teto antany? Karazana fiainana inona no Niainany? Nifanaraka ve Izy, mpanao marimaritra iraisana iray ve Izy? Nandeha tany amin'ireo rafi-pandaminana ve Izy? Ahoana no Nanondroany ny Tenany? "Zahao ny Soratra! Mihevitra ianareo... Ao Aminy no neverinareo fa anananareo ny Fiainana Mandrakizay, ary Izy ireo no Hany manambara Ahy." Hitanareo, izany ilay zavatra iray ihany androanya na amin'ny fotoana hafa rehetra. Rehefa mila Hazavana ianareo, dia jereo izay lazain'ny Soratra ho an'io ora io. Eny àry.

¹⁹⁷ Aiza ianareo no manomboka, arak'izany? Raha misy mpanota iray eto, dia manomboha ianareo eo amin'ny hazo fijaliana izay hanekenareo ny tenanareo ho maty miaraka Aminy. Miditra ianareo amin'izay fotoana izay ao amin'ilay—ao amin'ilay tantara lehibe. Mihaino ianareo, avy eo, mandinika an'ilay takelakareo raha mihazona an'izany eny an-tànanareo, ilay—ilay—ilay Rindram-peo. Ianareo—manana takelaka iray ianareo eny an-tànanareo izay hiteny aminareo an'ireo zavatra ireo, aiza no manomboka milalao azy ireo fiovan'ny mozika, amin'izay fotoana izay dia hitanareo hoe inona ilay lalao. Rehefa mahita ny Fanahin'Andriamanitra milatsaka eo amin'ny olona ianareo ka manao zavatra iray, dia mijere any aorianana ka jereo hoe aiza ilay izy izao. Jereo raha izany ilay, raha izany ilay zavatra ho an'izao andro izao. Nahoana, nanana takelaka iray izy ireo teny an-tànanay rehefa tonga Jesosy, an'ilay Rindram-peo. Izany tokoa, nanana izy ireo.

¹⁹⁸ Milaza an'ilay teny marina ve aho, firindram-peo, rindram-peo? Manantena aho fa izany. Koa noho izany dia sendra nieritreritra an'ilay izy fotsiny aho. Firindram-peo? [Hoy ny olona iray ao amin'ny fiangonana hoe, “Firindram-peo.”—Mpand.] Firindram-peo. Marina ve izany? Eny àry.

¹⁹⁹ Ankehitriny, nanana takelaka iray izy ireo teny an-tànany, saingy inona no nataon'izy ireo? Niezaka njery tany aoriana teo amin'ny fidobohana iray izy ireo izay nanana ny rehetra . . . ampahany iray izay efa notendrena. Izany no ataon'ireo fiangonana amin'izao andro izao. Mijery any aoriana izy ireo, mijery hoe ampahany inona no notendren'i Luther; ataon'ireo Loterana. Tsy fantatr'izy ireo ilay fiovan'ny mozika. Tsy fantatr'izy ireo izay ataon'Andriamanitra amin'izao andro izao rehefa manao an'ireo zavatra ireo Izy, ireo Loterana. Hoy ny Pentekosta hoe, “Oh, manana an'Izany izahay.” Manana takelaka iray izay efa notendrena dimampolo taona lasa ianareo. Hitanareo? Izany tokoa. Ndao fotsiny isika hihazona an'ity Teny ity eny an-tànantsika, ka handinika hoe oviana no tonga ireo fiovana, amin'izay fotoana izay dia ho fantatsika izay ataontsika.

²⁰⁰ Ankehitriny, ary manomboha miaraka Aminy eo amin'ny hazo fijaliana. “Mibebaha, ary aoka hatao batisa amin'ny Anaran'i Jesosy Kristy, ho famelàna ny fahotana; ary ianareo handray an'ilay Mozika, ilay Fitarihana,” hitanareo, “Ny Teny, ny Fanahy Masina izay maneho ny Teny.” Avy eo dia manohiza manaraka an'ilay paikan-kiran'ny Teny. Na inona na inona idobohan'ilay Mozika ho an'io ora io, dia midoboha miaraka amin'Izany. Hitanareo?

²⁰¹ Olona maro no manontany hoe, “Nahoana?” Manontany izy ireo. Manontany izy ireo, indraindray izy ireo dia manontany ahy hoe, “Nahoana? Nahoana no tsy maintsy mitranga *ireto* zavatra ireto? Inona, nahoana, nahoana no nitranga tamiko *ity* zavatra *ity*? Nahoana aho no nanomboka ka *ity* no nitranga, ary izaho—izaho nanana an'ity olana eto *ity*, ary *ity* no mandreraka ahy eto, ary veriko *ity* eto?”

²⁰² Matetika dia nanontany aho hoe, “Nahoana?” Nahoana, fony aho mpitoriteny tanora iray fotsiny, nanomboka voalohany, Andriamanitra no naka ny vadiko avy teo ambaniko, naka ny zazakeliko avy teo ambaniko, teo ambanin'ny foko mihitsy? Nahoana Izy no nanao an'izany? Tsy mahafantatra aho. Fa tena fantatro ankehitriny. Nihazona ny tònako teo amin'ny Azy fotsiny aho ary nanohy natoky.

²⁰³ Fantany ny fihaonan-dàlana rehetra. Fantany fa ilay paikan-kira dia tsy maintsy . . . rahoviana no tsy maintsy hiseo izany. Fantany izay ilaina handasirana anareo, Fantany izay karazana fitaovana Hampiasainy. Hitanareo? Ilay ambadiky ny tany efitra matetika, no andasiran'Andriamanitra an'ireo olona marina

ho olon-kendry sy mpaminany. Hitanareo? Hitanareo? Ao no kapohina ireo lehilahy. Ireo lehilahy dia kapohina, ao amin'ny Teny. Rehefa manana ny karazana fanekek-pinoana rehetra izy ireo sy ny karazan-javatra ao amin'izy ireo, dia avelao izy ireo ho tonga eo amin'ny Teny fa mikapoka an'izany hiala amin'izy ireo avy hatrany Andriamanitra, mandasitra an'izany mihitsy ao amin'Ity, ao amin'ilay Firindram-peo lehibe miaraka, an'Ny Teniny. Hitanareo? Ary amin'izay fotoana izay dia mahita ny Teny mandroso izy ireo.

²⁰⁴ Andriamanitra no mahafantatra hoe rahoviana no tokony hiova ilay paikan-kiran'izany. Izy no mahafantatra hoe ahoana no andehanan'ilay paikan-kira. Izaho tsy mahafantatra hoe ahoana no andehanan, fa Izy no mahafantatra. Izy no mahafantatra hoe ahoana no andehanan, izaho tsy mahafantatra. Fa mijery an'izany aho eto, ka hoy aho hoe, "Eny, ho tonga fotsiny izany."

²⁰⁵ "Maro ny fahorian'ny marina, fa Andriamanitra no manafaka azy ireo amin'ireo rehetra ireo." Hitanareo? Nihetsika tamin'ny alàlan'ny tantara miaraka amin'ny paikan-kiran'ny teny fikasan'Ny Teniny Andriamanitra, tao amin'ny taona tsirairay, tao amin'ny paikan-kira iray ihany, manao Ny Teniny. Tahaka an'izany no nihetsehan'Andriamanitra tamin'ny alàlan'ny tantara, hatrany amin'ny Genesisy tany ka hatramin'ny Apokalypsy, nihetsika tamin'ny alàlan'ny tantara niaraka tamin'Ny Teniny Izy. Marina izany, miaraka amin'ny paikan-kiran'ny-ny herin'ny Fanahy Masina manamarina Ny Teniny amin'ilay Voafidy. Tsarovy, tsy afaka nikasika an'ilay fiangonana ivelany mihitsy Izy. Izany dia ilay Voafidy irery ihany.

²⁰⁶ Jereo ireo mpisorona ireo, nanao hoe, "Belzeboba io lehilahy io. Mpanao hatsarana iray Izy. Nahoana, Izy—Izy—Izy dia mamaky ny sain'izy ireo."

²⁰⁷ Kely ny nahafantaran'izy ireo hoe, "Ny Teny dia maranitra nohon'ny sabatra roa lela, mpamantatra iray an'ireo eritreritra izay ao am-po." Ary Izy no Teny.

²⁰⁸ Fa ity mpivarotena nitsangana teo amin'ny fantsakana ity tamin'io andro io, mba haka sinin-drano iray, hoy izy hoe, "Hitako fa Mpaminany iray Ianao. Fantatray fa ho avy ny Mesia. Tsy nanana mpaminany izahay nandrity ny efajato taona, saingy fantatray fa ho avy ny Mesia. Ary rehefa tonga Izy, dia ho toy izao Izy."

²⁰⁹ Hoy Izy hoe, "Izaho no Izy." Izay dia ampy. Nahoana? Nidoboka ilay paikan-kira! Niandry an'io fiovana io izy, avy tamin'ny fiangonana anaram-piangonana iray nankany amin'ny Mesia voamarina iray. Ary indro Izy nitsangana teo, ilay Mesia izay noresahan'i Mosesy hoe, "Ny Tompo Andriamanitrareo dia

hanangana Mpaminany iray tahaka ahy.” Io Izy. Niova ilay paikan-kira, nahafantatra Azy ilay Voa voamarina.

²¹⁰ Ary rehefa milatsaka eo amin’ilay voamarina ny Tenin’Andriamanitra, eo amin’ilay Voa, ka mahita an’io fanamarinan’ny Teny io izy ireo, dia fantatr’izy ireo Izany. Mijery ny Teny izy ireo, fantatr’izy ireo ilay fihaonan-dàlana, fantatr’izy ireo ilay fotoana, fantatr’izy ireo ilay fiovana, fantatr’izy ireo ilay fidoboka izay natao hisy ao amin’io ora io. Haleloia! Fantatr’izy ireo ilay fidoboka, fantatr’izy ireo ilay fotoana, fantatr’izy ireo hoe ahoana no natao handehanan’izany. Hitanareo, ilay Voafidy irery ihany no mahafantatra an’Izany.

²¹¹ Rehefa nahita an’izany i Filipo, dia tsy nahatanty ela an’izany izy, fantany fa izany no Mesia. Noho izany dia nandeha nankany amin’ny sakaiza iray izy, efa niaraka nianatra ny Baiboly izy ireo. “Natanaela,” hoy izy, “avia, jereo ny Lehilahy iray. Avia, jereo izay hitanay, efa nahita an’i Jesosy avy any Nazareta izahay. Nahita an’i Jesosy avy any Nazareta izahay, izany ilay Mpaminany izay noresahan’i Mosesy fa ho avy. Nahita Azy izahay. Nahita Azy izahay.”

²¹² Hoy izy hoe, “Ahoana no mampety an’izany? Izaho fotsiny... Taiza Izy?” Hitanareo, izy tsy... Hitanareo, tsy fantany marina fotsiny ilay paikan-kira. Efa nianatra izy ireo. Saingy rehefa tonga teo izy, dia izy no niteny taminy, nampiseho taminy ny Teny.

²¹³ Ary rehefa tonga teo izy, dia hoy Jesosy hoe, “Indro ny Isiraelita,” nanomboka nihazona ilay paikan-kira, efa nolalaovina teo amin’ny lampihazo ilay tantara teo, na teo amin’ny tany, tamin’io andro io. Angamba nitsangana teo ambonin’ny vatomampy iray Jesosy, niresaka tamin’ny olona. Ary rehefa tonga i Filipo niaraka tamin’i Natanaela, dia njery azy Izy, ka nanao hoe, “Indro ny Isiraelita, izay tsy misy fitaka ao aminy.”

Hoy izy hoe, “Raby, oviana no mba Nahafantaranao ahy?”

²¹⁴ Hoy Izy hoe, “Talohan’ny niantsoan’i Filipo anao, fony ianao teo ambanin’ny hazo, dia efa nahita anao Aho.” Oh, oadray!

²¹⁵ Ampahan’izany izy! Hoy izy hoe, “Ianao no Zanak’Andriamanitra! Ianao no Mpanjakan’ny Isirael.” Tsy mampaninona na inona ireo—ireo fidobok’izao tontolo izao, sy ireo fitsinjahany rehetra izay nananan’izy ireo tao amin’ireo—ireo anaram-piagonana, tsy izany io Rindram-peon’Andriamanitra lehibe io. Amena. Hoy izy hoe, “Ianao no Mpanjakan’ny Isirael!” Eo Ianao izao! Hitako izany. Fantatro izany.” Nahoana? Voafidy izy. Ilay Voa Voafidy no mahafantatra. Izany dia amin’ny alàlan’ny taona rehetra foana, no ahafantaran’izy ireo an’izany.

²¹⁶ Hoy ianareo hoe, “Fa, Rahalahy Branham, ahoana ny amin’ny reniko sy ny dadako, ahoana ny amin’ny havako, ahoana

ny amin'ny anaram-piangonako, inona—inona no hataon'izy ireo? Handroaka ahy izy ireo. Izany ve...” Raha tsy afaka mijery eo aloha ianareo, dia miandrindrà. Aza manandrana mijery eo aloha, na ahoana na ahoana, apetraho eo amin'ny Azy ny tånanareo. Avelao Izy no hitarika anareo. Miandrindrà, aza mijery eo aloha. Hoy ianareo hoe, “Nahoana, nahoana ireo hafa no maneso ahy mikasika ny voloko lava, ary izaho manala an'ireo sorta, ary mikasika ahy niala tamin'ny fiangonana.” Hah! Ny fiaretana nohon’Ny Anarany dia fahararian’ny fitomboan’ny Fahasoavany. Hia. Ny fiaretana ho an’Ny Teniny, hitanareo, dia fahararian’ny fitomboan’ny Fahasoavany. Eny, tompoko! Tsarovy fotsiny, izany no fahasoavan’Andriamanitra izay nomena anareo. Oh, oadray!

²¹⁷ Tahaka ny nolazain’i Paoly, haleloia, nanana fahalemena iray izy, zavatra iray izay nanelingelina azy. Izy dia... Ny devoly no—no nandronjina azy, kapoka miampy kapoka. Dia nanontany ny Tompo izy, intelo, mba hanaisotra an’izany taminy, nanao hoe, “Tsy mila an’ity aho, Tompo. Esory amiko izany!”

²¹⁸ Ary tamin’izay fotoana izay indray alina dia niteny taminy ny Tompo, nilaza tamin’i Saoly hoe, na, “Paoly, ampy ny Fahasoavako.”

²¹⁹ Hoy izy hoe, “Noho izany dia hirehareha ao amin’ny fahalemeko aho. Hirehareha ao amin’izany aho. Fantatro fa Ianao no Mpanasitrana. Efa nahita Anao nanasitrana ny marary aho, nanangana ny maty, ary nandroaka devoly, nampahiratra ny mason’ny jamba. Fa raha nanontany Anao aho, ka Ianao no miteny amiko fa ampy ny Fahasoavanao, amin’izay fotoana izay io devoly izay manelingelina ahy io dia—dia fahararian’ny fitomboan’ny Fahasoavanao. Noho izany dia hirehareha ao amin’ny fahalemeko aho. Nahoana? Fandrao ho lasa misandratra eo ambonin’ny habetsahan’ny fanambarana aho.” Hitanareo?

²²⁰ Hitanareo, izy—nanana zavatra izay tsy nananan’ireo mpianatra hafa izy, nahita Azy taorian’ny Fahafatesany izy, fandevenany, fitsanganany, ary fiakarany. Nahita Azy izy. Hoy ny sasany tamin’izy ireo hoe, “Eny, efa nandeha niaraka Taminy aho.” Toy izany koa no nataon’ny olona rehetra teny an-dàlambé. Saingy rehefa avy maty Izy, nalevina, nitsangana, ary nakarina, ka niverina indray tao amin’ny endrika Andry Afo iray, dia niresaka tamin’i Paoly Izy. Mihoatra nohon’ny nananan’ny sisa tamin’izy ireo izany. Amena.

²²¹ Hoy izy hoe, “Mba tsy hahatonga ahy hisandratra ka hila hanorina seminera goavana be sy ny zavatra hafa, ary zavatra hafa iray goavana be, fandrao aho ho lasa—lasa misandratra eo ambonin’ny habetsahan’ity fanambarana ity, dia namela iraky ny devoly iray hanohy hamely ahy Andriamanitra.” Hoy izy hoe, “Noho izany rehefa malemy aho, dia mahery aho.” Amena. Amena. Fahararian’ny fitomboan’ny fahasoavana!

Amena. Afaka mijanona eo amin'izany ela be isika; ora iray sy dimy amby efapolo minitra no efa lasa, ary—ary miharitra ny fahararian'ny Fahasoavany isika.

²²² Oh, mety hamela an'ireo fihodinan-dàlana Izy. Mety hamela an'ireo fihodinan-dàlana hizaha toeatra antsika Izy, mba hahatanteraka antsika ho an'ny Asany. Mety hamela an'izany Izy ankehitriny, ry Fiangonana, eto sy ao amin'ny horonam-peo. Mety hamela an'ireo fihodinan-dàlana Izy ho an'ny asantsika.

²²³ Tahaka ny Nataony tamin'i Daniela. Nanome fihodinan-dàlana kely iray an'i Daniela Izy indray andro. Fantatrareo, lehilahy malaza iray izy tao Babylona. Nanao Izy, namela an'ilay mpanjaka hihodina hanohitra azy Izy ka nanoply azy tao amin'ny lavaky ny liona. Nahatanteraka azy fotsiny ihany izany. Azo antoka fa nahatanteraka!

²²⁴ Namela an'ireo zanaka Hebreo handeha tao amin'ilay lafaoro afo. Tapa-kevitra izy ireo ny hanohana Ny Teniny!

²²⁵ Mety hamela an'ireo teny manorisory Izy, hamela azy ireo hihomehy anareo nohon'ny fananana volo lava, hamela azy ireo hihomehy anareo nohon'ny filazana hoe nahoana ianareo no lasa holy-roller iray na inona koa. Izany dia mety, izy ireo dia mety hamela anareo hihomehy... mety hihomehy anareo izy ireo noho izany, izany, izany, mety tsara daholo izany. Izany no fihodinan-dàlana iray, izany dia fihaonan-dàlana kely iray. Izany dia mba hanaporofoina zavatra iray.

²²⁶ Hitanareo, ny zavatra tokana izay nataon'ilay fihodinan-dàlana tamin'ireo zanaka Hebreo izay nijoro teo amin'ny Teny, izany dia namaha azy ireo fotsiny tamin'ireo fatorana izay nananan'izy ireo teo amin'ny tongony sy ny ranjony.

²²⁷ Ary indraindray dia mila fizahan-toetra mafy izany mba hanapaka an'ireo fatoran'izao tontolo izao hiala amintsika. Matetika Andriamanitra dia mamela antsika hahazo fizahan-toetra kely, fantatrareo, mba hahitana an'izay hataantsika, hamoaka anareo avy ao amin'izao tontolo izao. Na, amin'ny teny hafa, dia mamela anareo hahazo fizahan-toetra kely ka hamoaka anareo avy ao amin'io rafi-pandaminana io, ary ilay hevitra hoe "ny Metodista no hany tokana, ny Batista, na ny Pentekotista, na izany no—izany ihany no vondrona ananan'izy ireo. Raha tsy mino an'izany ianareo tahaka ny inoan'ny fiangonako azy, dia tsy mino mihitsy ianareo." Matetika Izy dia mamela fizahan-toetra kely iray hitranga. Angamba manana zazakely iray marary ianareo. Angamba misy zavatra iray miseho ao amin'ny oram-pahafatesana mihitsy. Angamba nisy olona iray nesorina taminareo, na zavatra iray. Inona no ataon'izany? Hampisaraka anareo, haneho zavatra iray aminareo, hampahiratra ny masonareo. Angamba tonga mba hitsikera ianareo, indraindray. Angamba mihaino an'ity horonam-peo ity ianareo mba hitsikera fotsiny. Angamba manao

an'izany Andriamanitra mba hanapaka ny sasany avy amin'ireo fatoran'izao tontolo izao izay namatotra anareo.

²²⁸ Tahaka ny olona iray maty an-drano ao anatin'ny renirano, tsy maintsy alainareo ilay olona hivoaka avy ao amin'ny renirano alohan'ny ahafahanareo hamoaka an'ilay renirano avy ao amin'ilay olona. Marina izany. Tsy maintsy mamoaka azy avy ao amin'ilay renirano aloha ianareo, avy eo dia mamoaka an'ilay renirano avy ao aminy. Indraindray dia tsy maintsy manao an'ilay izy tahaka an'izany Andriamanitra. Mamelia an'ireo fihaonan-dàlana Izy, ireo fihodinan-dàlana hanao an'izany. Mijoroa eo amin'ireo Fampanantenany, ny Teny, satria tsy ho diso mihitsy izy ireo. Ny ho avy, eo an-Tànnany izany. Mijoroa tahaka ny nataon'izy ireo, aza—aza manalavitra.

²²⁹ Abrahama, tao amin'ireo fihodinan-dàlany, dia nahafantatra fa mahay manangana ny zanany amin'ny maty Andriamanitra, avy teo amin'izay nahazoany azy teo amin'ireo fihodinan-dàlana. Tonga teo amin'ny fihodinan-dàlany i Abrahama. Ary rehefa avy natoky an'Andriamanitra izy ary efa Nahita an'ireo fahagagan'Andriamanitra. Dimy amby roapolo taona no niandrasany zazalahy iray, zanaka iray nampanantaina, nefá avy eo dia niteny taminy Andriamanitra mba handeha hanao fanatitra an'ilay tena zavatra izay nandrasany mihitsy. Oadray, oh, oadray, fotoana iray toy ny inona! Fa nihanahana ve i Abrahama? Vakio ny Romana, ny toko faha-4, izay nilaza fa izy dia "resy lahatra tanteraka." Amena. Resy lahatra tanteraka ny amin'izay nampanantenain'Andriamanitra izy, mahay manao Andriamanitra. Amena. Namela an'ilay fihodinan-dàlana Izy. Nasehony tamin'ny alalan'i Abrahama, tamintsika, hitanareo, fa mahay manangana ny maty Izy.

²³⁰ Hoy i Abrahama hoe, "Hahazo azy ho toy ny anankiray avy amin'ny maty aho." Efa maty ny kibon'i Saraha, efa maty ny kibon'i Saraha; ary izy, ny vatany dia efa maty, lehilahy antitra iray izy. Tsy nanana lâlan-dronono hamahanana an'ilay zazakely izy. Ary izy ireo tsy nanana... Eny, tsy nisy na inona na inona teo. Ary momba izy, ny tenany, ary izy dia momba. Hitanareo? Tsy nisy fomba mihitsy. Fa nahazo azy toy ny anankiray avy tamin'ny maty izy, hoy izy hoe, "Raha afaka manao an'izany Andriamanitra, dia afaka manangana azy amin'ny maty Andriamanitra. Satria ilay Andriamanitra iray ihany izay niteny tamiko fa ho tonga ilay zazakely, ary notohanako ka tonga izany, dia afaka manangana azy amin'ny maty Izy." Satria, Izy no manao ny zavatra rehetra hiara-miasa hahasoa an'ireo izay tia Azy. Amena.

²³¹ Andriamanitra Izay nanao ny teny fikasana, hoe amin'ny andro farany dia hitranga ireo zavatra izay hitantsika mitranga ireo! Raha nampanantena zanaka iray Izy, ary tonga ilay zanaka; raha nampanantena an'ireo zavatra rehetra izay hitantsika

amin'ny alàlan'ny Soratra ireo Izy, ka tonga izany, dia ndao isika hiditra ao amin'ilay paikan-kiran'izany. Izy no nampanantena fa hiseho ireo zavatra ireo amin'ny andro farany, dia mahita an'izany isika. Izy no nampanantena fa handefa an'i Jesosy Izy. Haleloia. Hisy Arivo taona iray! Hisy andro vaovao iray. Hisy andro iray izay tsy hilentehan'ny masoandro intsony, satria ny . . . tsy hila an'izany intsony isika, satria ny Zanak'ondry no Hazavan'ilay Tanàna izay handehanantsika. Amena.

²³² Ilay mangiran-dratsin'ny andro vaovao iray, mahatsapa an'izany manerana ahy manontolo aho ankehitriny. Ilay Hazavan'ny andro vaovao iray! Ilay Hazavan'ny andro iray izay tsy misy alina, tsy misy aizina, tsy misy aloka, tsy misy lanitra, tsy—tsy misy lanitra maloka, maizina, tsy misy misasakalina, tsy misy fasana, tsy misy voninkazo eo amin'ireo sisin'ny havoana, tsy misy filaharam-pandevenana, tsy misy dokotera, tsy misy tranom-paty. Amena. Izaho—izaho dia afaka mahatsapa an'ireo—ireo taratry Ny Hazavany mamakivaky manerana ny fanahiko. Ilay andro vaovao! Eo am-padosirana ilay anankiray taloha.

²³³ Tahaka ny ahatsapako an'ilay rà mety maty mikoriana manerana ny vatako, no ahatsapako ny fisasasasan'ny Fanahy Masina tonga aorian'izany hoe, "Mitsangàna, ary mihazavà."

²³⁴ Nisy zavatra nilaza hoe, "Billy Branham, miha-antitra ianao, miha-reraka ianao, milatsaka ireo sorokao, mivadika fotsy ny volonao ka mihintsana." Marina izany. Ary aizina sy aizim-pito no eo amin'ny tany!

²³⁵ "Fa mitsangàna, ary mihazavà!" Tsapako milatsaka eo ilay fisasasasan'ny Hazavan'ny Filazantsara be voninahitra an'i Jesosy Kristy izay nanao ahy ho olom-baovao iray ao Aminy. Miandry an'io andro io aho, amena, ho an'ilay andro vaovao. Tsy fantatro hoe inona ny ho avy. Tsy fantattro hoe inona no azoniny, 1964, azoniny ho ahy na inona na inona hafa, fa mihazona ny Tànany izay mihazona ny Mandrakizay aho, Izay Mandrakizay. Amena.

²³⁶ Fantatr'i Abrahama fa afaka manangana azy indray Andriamanitra, noho izany dia natoky Azy izy.

²³⁷ Noho izany, ho an'ilay taona vaovao, dia manapaha hevitra mba hijanona amin'Ny Teniny sy izay nampanantenain'Izany, tahaka ny nataon'ireo hafa (Voafidy) tamin'ny andro hafa. Raha tsapanareo fa efa nahita an'ilay Hazavana izay miposaka eo aminareo ianareo, an'i Jesosy Kristy, ny Fanehoan'Ny Fanahiny Masina lehibe amin'ireo andro farany. Ary, tsarovy, mijanôna miaraka amin'izany, izay Nataony, ianareo no iray amin'ilay Voafidy; ary inona izy, ilay Voafidy amin'ny andro hafa, tahaka an'i Abrahama, rehefa hitany izany, rehefa nanohitra ny porofo siantifika rehetra izany. Nahita an'izany i Noa, ary nanohitra ny porofo siantifika rehetra izany. Nahita

an'izany i Mosesy, ary nanohitra ny porofo siantifika rehetra izany. Ireo taona mahay izay lasa ireo; saingy ilay Voafidy izay nahita azy, dia nijanona mafy tsara! Amena.

²³⁸ Ary ho an'ny ho avy, dia ndao isika hijanona mafy tsara eo amin'ny teny fikasana. Andriamanitra no nanao an'izany, miankina amin'Andriamanitra ny mahita an'izany hatramin'ny farany. Manaraka fotsiny an'ilay paikan-kira aho. Rehefa manadoboka an'ilay fotoana izy ka manao hoe "izao no fiafarani'i William Branham eto an-tany," amin'izay fotoana izay dia handeha hiaraka amin'ilay paikan-kira aho. Avy eo dia hitsangana indray miaraka amin'ilay paikan-kira aho. Haleloia. Ilay Anankiray izay manadoboka ny fidirana, manadoboka ny fivoahana, no manadoboka azy hiditra indray. Izany no paikan-kiran'Andriamanitra hoe, "Hanangana azy Aho amin'ny andro farany. Izay mino Ahy no manana Fiainana mandrakizay. Izay mandre Ny Teniko ka mino Izay naniraka Ahy, no manana Fiainana Mandrakizay; ary tsy ho tonga amin'ny fitsarana mihitsy, fa efa tafafindra avy tamin'ny fahafatesana ho amin'ny Fiainana." Hanaraka an'ilay fidoboky ny Teny aho. Amena. Tsy ny fidoboky ny foko; ny fidoboky ny Teny! Tsy mampaninona na inona ilay izy, raha tsy midoboka miaraka amin'ny Teny ny foko, amin'izay fotoana izay dia diso ny foko. Amena. Satria, Izy no Teny! Amena. Ny Baiboly no miteny amintsika an'izany, ny Tenin'Andriamanitra.

²³⁹ Nihaino fandaharanana iray aho, tonga, izaho sy i Billy, vao teo. Ary izany dia ity Baiboly ity...ilay-ilay ora nantsoina hoe faminaniana, ilay oran'ny...Inona moa no iantsosana azy? Zavatra iray mikasika ny faminaniana. *Feon'ny Faminaniana*. Raha ny marina, dia ireo Adventistan'ny andro-Fahafito ilay izy. Efa nanana anarana efatra na dimy samihafa izy ireo. Millerites izy ireo tamin'izany, eo am-panombohana.

²⁴⁰ Izy ireo no anankiray izay nilaza, tao amin'ny fivoriana iray tany, hoe "Mihambo ho Jesosy Kristy aho; hoe ilay-ilay Ray Masina dia teo amiko, ilay Andry Afo, ary izaho no Jesosy Kristy." Sendra nitsangana tao amin'ireo fivoriana keliny ny sakaizako iray, nitsangana izy ka nanao hoe, "Tokony hoporofoinareo izany, satria hiantso azy ho eto mihitsy aho. Tiako ianareo hahita indray mandeha fa efa mba nilaza an'izany izy," hitanareo, ary tahaka an'izany. Izy dia niresaka mikasika an'ireo fombam-pivavahana samihafa sy ny sisa eto an-tany.

²⁴¹ Mahafantatra izy ireo. Indray andro dia niady hevitra tamin'izy ireo teo amin'io resaka *sabata* io aho. Nalain'izy ireo ilay andro fahiny izay efa lasa. Ny Fanahy Masina no Sabatantsika, ny Baiboly no niteny an'izany hoe, "Mankanesa aty Amiko, ianareo izay miasa fatratra sy mavesatra entana, Izaho no hanome anareo sabata ho an'ny fanahinareo." Tsy hoe "andro iray." Hoy i Paoly hoe, "Ianareo izay mitandrina andro iray, matahotra ny aminareo aho." Hitanareo, marina izany.

Eny, tompoko. "Mbola misy fitsaharana iray," Hebreo 4, "ho an'ny olon'Andriamanitra, fitandremana sabata iray. Fa isika izay niditra tao amin'ny Fitsaharany, dia nitsahatra tamin'ireo asantsika, tahaka an'Andriamanitra nitsahatra tamin'ny Azy."

²⁴² Fa ireo mpikabarin'izy ireo, vao teo, fandaharana tsara, tsy manana na inona na inona manohitra azy ireo aho. Hanao an'izay rehetra azoko hanampiana azy ireo aho. Mameila maimaim-poana azy ireo nohon'ny filazana an'izany, satria nilaza zavatra izay tsy marina izy ireo. Fa mety tsara daholo izany. Ny foto-pampianaran'izy ireo dia tahaka ny Vavolombelon'i Jehovah sy ny Siansa Kristiana fotsiny, ary ireo fombam-pivavahana hafa rehetra ireo, hitanareo, zavatra mitovy. Saingy mariho, tahaka an'ireo rafi-pandaminana hafa fotsiny izy ireo, izy ireo dia tsy diso, neveriko, nohon'ny sisa amin'izy ireo. Ny Teny foana no marina, hitanareo, Izy no hanaporofo ny Tenany ho marina. Mariho.

²⁴³ Fa raha niteny izy, dia hoy ilay lehilahy hoe, "Manana an'ilay bokin'ny taona izahay." Io mpanoratra io, oh, iza moa ilay anarany, ilay mpiteny an'izany? Adinoko marina tokoa hoe iza ilay anarany ankehitriny. Niresaka ho an'ny Christian Businessmen izy tany Seattle eto vao tsy ela akory izay tao amin'ny Foara Iraisam-pirenena. Ary izy—nilaza izy, hoy ilay mpanao filazana hoe, "Ity lehilahy ity no nanoratra an'ilay boky, ilay boky malaza indrindra ho an'ity taona ity." Tsy nifanaraka aho.

²⁴⁴ Ny Boky ho an'ity taona ity dia ny Baiboly! Izany no Hazavan'izao tontolo izao. Izany no Andriamanitra Izy tenany. Ny Bokin'ny taonantsika dia ny Baiboly. Ho an'ity 1964 ity, ny Bokintsika dia ny Baiboly. Ary ho an'ny taona hafa rehetra izay ho avy, ny Bokintsika dia ny Baiboly. Tamin'ny taona rehetra izay lasa, dia Izany no Bokin'ireo taona lasa, ny Bokin'ireo taona ho avy, ary Izany no Bokin'ny Mandrakizay. Izany no manambara fa Andriamanitra izany. Eny, Izany no manambara an'Andriamanitra. Isaky ny taona izay ho avy, dia izany no Bokin'ny taona. Oviana—na oviana na oviana ianareo no mandre ny Baiboly milaza zavatra iray, dia izany no teny fikasana iray voamarina, hisy Mandrakizay iray ho avy, indray andro any. Ny Baiboly no Anankiray izay manome antsika an'izany teny fikasana izany, rehefa mandre ny Baiboly ianareo milaza fa hisy andro iray ho tonga rehefa ho tonga Jesosy. Ary araka ny lazaiko androany ankehitriny . . .

²⁴⁵ Tsy maintsy mamarana aho, satria izaho—efa teto aho nandritry ny adiny roa, hitanareo, teo amin'izany mihitsy.

²⁴⁶ Jereo, raha—raha ny Baiboly no miteny amintsika an'ireo zavatra izay ho avy ireo, miteny amintsika an'ireo ora rehetra ireo izay—izay nandalovantsika. Voalaza mialoha ireo andron'i Noa. Ireo andro hafa rehetra, dia ny Soratra no nilaza mialoha.

Voalaza mialoha ireo andron'i Martin Luther, ireo andron'i Wesley, ireo andron'ny Pentekotista. Voalaza mialoha ity andro izay iainantsika ity. Ny zavatra rehetra dia nitranga marina tokoa tamin'ny fomba naха-izy azy. Noho izany rehefa... Inona izany? Izany no Tenin'Andriamanitra voambara, izay amarinin'Andriamanitra, manao azy ho ny Hazavan'ilay ora. Hitanareo, tahaka ny masoandro fotsiny. Rehefa ny Teny, ny Teny izy tenany, no Hazavana rehefa voamarina ho an'ilay fotoana izay misy azy. Hitanareo, voamarina izany, noho izany dia izany no Hazavan'ilay ora.

²⁴⁷ Jaona no Hazavana, izy—izy no Hazavana kokoa nohon'ny nananan'i Elia sy izy ireo. Elia. Tsy Hazavan'i Elia izy, fa izy no Elia tao amin'ny endrika hafa iray, fanamarinana iray an'ilay Hazavana. Hitanareo, izany izy. Ary rehefa tonga Jesosy, dia hoy Izy hoe, "Izy no Hazavana mazava sy mamiratra ho an'ny vanimpotoana iray. Tianareo ny mandeha ao amin'Ny Hazavany." Hitanareo?

²⁴⁸ Dia hoy i Jaona hoe, "Ankehitriny izaho tsy maintsy mihamaloka. Tsy maintsy mandeha aho ankehitriny, tapitra ny famirapiratan'ny Hazavako. Tsy maintsy mandeha aho. Izy tsy maintsy mitombo. Izy no Hazavana."

²⁴⁹ Hoy Izy hoe, "Izaho no Hazavan'izao tontolo izao." Amena. Marina izany. "Ilay tsy miova omaly, anio, ary mandrakizay." Ary mbola Hazavan'izao tontolo izao foana Izy. Ary inona Izy? "Tamin'ny voalohany ny Teny, ary ny Teny tao amin'Andriamanitra." Nahoana Izy no Hazavan'izao tontolo izao? Raha tonga Izy, ka nilaza fa Izy no Mesia, nefo tsy nanao arak'izay nolazain'ny Baiboly fa hataon'i Mesia Izy, amin'izay fotoana izay dia tsy Izy no Hazavan'izao tontolo izao. Hitanareo, izany no Teny voamarina izay manao an'ilay izy ho Hazavan'izao tontolo izao.

²⁵⁰ Ary ao amin'ity ora izay iainantsika ankehitriny ity, ny Teny voamarina an'ity ora ity! Ireo Pentekotista, hoy ianareo hoe, "miteny amin'ny fiteny tsy fantatra," sy ny sisa. Izany no Andron'ny Pentekosta, izany no Hazavan'ilay ora tamin'izany fotoana izany. Hitanareo, ity dia andro hafa iray. Izy no Hazavan'ilay ora androany.

²⁵¹ Ny Taonan'ny Fiagonana Fahafito, sempotra izy rehetra, miaraka amin'i Kristy any ivelany. Ny volana no manondro an'izany, tonga eto an-tany ny aizina rehetra. Mandroso miditra ny Hazavana ankehitriny, manomboka maneho an'izay hiseho. Ho ravàna ilay zavatra, ka ny Hazavana no ho tonga ary handrava azy. Ary ireo Olo-masina no handova ny tany, ireo malemy fanahy no handova ny tany. Ny tany, ny volana dia ho esorina. Ho faty ny aizin'ny alina, ny aizina miaraka amin'ny fahafatesana sy ireo fanelek-pinoana, ary lavitra ny

Tenin'Andriamanitra, ireo zavatra simba izay lazain'izy ireo. Ary hiposaka eo amin'ilay andro ny Hazavana.

²⁵² Ary tsarovy, rehefa ny Baiboly manontolo...Henoy, eo am-pamaranana. Rehefa voamarina tanteraka ity Baiboly manontolo ity, amin'izay fotoana izay dia hisy Shalom Mandrakizay iray, Fiadanana Mandrakizay. Hitanareo?

²⁵³ Tonga Izy, ary nilaza fa Izy no "Fiadanana eto antany, ho an'ny olona ankasitrahana," saingy tsy nandray an'izany izao tontolo izao. Hitanareo? Hitanareo? Izy no Fiadanana ho an'ny olona rehetra izay manatona Azy ho an'ny Fiadanana. Hitanareo? Fiadanana eto an-tany, ho an'ny olona ankasitrahana, Izy no Fiadanana tamin'io fanombohan'ny taona vaovao io, andro vaovao an'Andriamanitra. Satria nahoana? Izy no Hazavana voamarina ho an'izany andro izany. Hitanareo?

²⁵⁴ Fa misy Teny maro tokony ho voamarina. Tsy maintsy manamarina Teny maro Izy. Ary rehefa voamarina ilay Teny farany, voamarina, raha ny marina, amin'izay fotoana izay dia voatelina ao anatin'ny fandresena ny fahafatesana, ary hitsangana ny maty ao amin'i Kristy, hipetraka ny Arivo taona, ary ho Fiadanana lehibe iray izany, Shalom. Ndao isika hiaina ho an'io andro io, rahalahy, ranabavy, ho an'io Shalom lehibe iray io.

²⁵⁵ Tsarovy, ny Baiboly no loharanom-pahendrena rehetra, sy mihazona ny fanantenan'ny ho avy rehetra. Ho an'ilay Fiagonana, Shalom! Ndao isika hivavaka.

²⁵⁶ Ilay vondrona kely manatrika eto ankehitriny. Izaho—efa adiny roa aho no teo—teo amin'ity Hafatry ny taona vaovao ity. Efa tena naharitra ianareo. Misy anankiray ve ato izao maraina izao, na—na izao tolakandro izao, raha ny marina, izay tsy manana Shalom, io Fiadanana izay voalaza io, izay manondro ny Tenin'Andriamanitra rehefa lasa iray ianareo sy ny Teny? Rehefa, raha milaza Zavatra iray ny Baiboly, ka hoy ianareo hoe "tsia, zara aho raha afaka hino fa marina izany," amin'izay fotoana izay dia tsy manana Shalom ianareo. Tsy eo amin'ny fiadanana miaraka amin'Andriamanitra ianareo, satria milaza Zavatra iray Ny Teniny nefä ianareo tsy mifanaraka amin'Izany.

²⁵⁷ Ary raha hoy ny Teny hoe, "Shalom, Fiadanana," ka manana an'io Fiadanana io ianareo, io Teny rehetra izay lazain'Andriamanitra io, dia afaka manisy tsindrim-peo an'izany amin'ny "amena," ianareo ary mino an'Izany. Ary rehefa mahita an'Izany voamarina ianareo, dia hoy ianareo hoe, "Amena, izany no Teny!" Fa tsy fanekem-pinoana iray ve, hazavana iray, hazavana sandoka iray, no isosan'izao tontolo izao ao amin'ny aloky ny hazavana izay mitaratra mba hanamaizina azy, fanekem-pinoana iray, mba hilazana hoe, "Tsia, izaho—mihevitra aho fa—fa ho an'ny zavatra hafa iray Izany. Izany dia tsy midika mihitsy an'izany," kanefa ny Teny no

milaza an'Izany? Manaraka an'io aloka io ve ianareo, sa miseho miaraka amin'io Hazavana io?

²⁵⁸ Eto sy ao amin'ny horonam-peo, na iza na iza no hihaino azy, dia eritrereto vetivety fotsiny izany. Ary raha misy anankiray manatrika eto izay ho tia, izay tsy manana an'io Hazavana io, dia hanangana ny tànanareo ve ianareo mba hanondro ny tenanareo, hoe vonona ny handeha ao amin'io Hazavana io ianareo androany. Ary raha misy anankiray any ivelan'ny firenena izay handehanan'ity horonam-peo ity, ka tsy manana an'Izany ianareo, dia hanangana ny tànanareo amin'Andriamanitra avy hatrany ve ianareo eo amin'izay... Vonoy vetivety ny fandraisam-peonareo rehefa mivavaka isika, mandohaleha amin'ny lohalikareo, ka manaova hoe, "Tompo Andriamanitra, efa nisalasala aho, izaho—efa nanao an'ity aho. Nieritreritra aho hoe, 'Eny, satria ny fiangonana no nilaza fa tsy mety hisy ireo zavatra ireo, ary tsy mety hisy ity.' Ary, saingy hitako fa nampanantenaina ao amin'ny Baiboly izany, ary mahita zavatra marobe aho. Ny lanitra mihitsy aza no nanambara an'Izany, izy tenany. Ary ireo zavatra izay voalaza ireo, dia mitranga marina tokoa. Ka Andriamanitra any An-danitra no manambara an'ilay zavatra iray ihany. Noho izany, dia te-handray an'izany aho ankehitriny. Aoka hiditra ato amiko ny Tenin'Andriamanitra. Ary avelao aho hiditra ao amin'ilay paikan-kira, tsy mihaino an'izay lazain'ny fiangonana na ilay mpitory teny; fa avelao aho hiditra ao amin'ilay paikan-kiran'ny Teny, ka hahita izay Lazainy. Ary aoka Izany no hitondra ahy, ao anatin'io Rindram-peon'Andriamanitra io, fidobohana iray avy amin'ny Sitrapony ao amin'ny fiainako."

²⁵⁹ Rainay any An-danitra, mitondra eo Amino ny tànana rehetra izay mitsangana hatraiza hatraiza izahay ankehitriny. Ary aoka ny Fanahy Masin'Andriamanitra no hitondra ho azy ireo an'ilay paikan-kiran'ny Teny sy Ny Fahamarinany, hoe tsy maintsy voalasitra izy ireo ankehitriny ho zanakalahy sy zanakavavin'Andriamanitra, ary tsy maintsy ho taratry ny Hazavan'Andriamanitra eto an-tany izy ireo. Tsy maintsy ho ny Teny voaseho izy ireo, ka tsy maintsy miaina tahaka ny niainan'i Jesosy ireo lehilahy sy vehivavy, ary mba—mba hino ny Tenin'Andriamanitra rehetra ka hiaina amin'Izany tahaka ny Nataony, satria hoy Izy hoe, "Tsy ny mofo ihany no hiveloman'ny olona, fa ny Teny rehetra izay aloaky ny vavan'Andriamanitra." Tsy Teny vitsy fotsiny, ampanhan'ireo Teny, fa "amin'ny Teny rehetra izay aloaky ny vavan'Andriamanitra."

²⁶⁰ Ny Teny tamin'ny andron'i Mosesy dia tsy nety tamin'ny andron'i Jesosy. Ny Teny, ny Teny tamin'ny andron'ireo apostoly dia tsy mety amin'ity andro ity. Ilay izy dia ny Teny nampanantenaina ho an'ity andro ity. Izay ireo ihany no nilaza, ary niteny an'izany tamin'ny alàlan'ny Fanahy Masina, an'izay hiseho amin'ny andro farany, hoe ahoana fa ireo fiangonana

dia kiriana, mpieboebo, ahoana fa hitsangana ilay vehivavy janga ka ho faly miaraka aminy ireo mpijangajanga, ary ahoana fa hanamaizina ny tany izy ireo. Ary ilay taom-pianganana farany, ilay Laodikia, dia ho esorina tanteraka ao amin'ilay fianganana Jesosy.

²⁶¹ O Tompo, avelao aho hijanona miaraka Aminy, ilay Teny. Ary asehoy Ny Hazavany, amin'ny alàlanay rehetra, raha manomboka an'ity taona vaovao ity izahay, miaraka amin'ny fanapahan-kevitra iray. Tsy mahafantatra an'izay hazonin'ity taona vaovao ity, saingy mihazona Aminy izahay, ilay Teny, izay mahafantatra an'ilay Rindram-peo manontolo hatramin'ny voalohany ka hatrany amin'ny farany. Izy no mahafantatra ny hetsika rehetra sy ny fihaonan-dàlana rehetra. Ary, Tompo, mandinika Azy fotsiny izahay, mihazona ny masonay eo Aminy, ilay Teny. Amin'izay fotoana izay rehefa mahita an'ireo zavatra ireo miseho izahay, dia fantatray fa ao amin'ilay paikan-kiran'ny Teny mihitsy izahay. Ekeo izany. Vonjeo ny fanahy very rehetra, Tompo, izay eto, ary ny tsirairay avy izay mihaino ny horonam-peo. Apetракay Aminao izy ireo, nohon'ny amin'Ny Fanjakanao, amin'ny Anaran'i Jesosy Kristy. Amena.

²⁶² Ankehitriny, misy ny... Faly aho ny miaraka aminareo rehetra izao maraina izao. Noho izany, izaho dia efa tena marina tokoa, hatramin'ny nanombohana azy, adiny roa marina tokoa, nanomboka tamin'ny iraika ambin'ny folo latsaka fahefany, hatramin'ny iray latsaka fahefany. Niteny tamin'i Meda aho. Hoy aho hoe, "Hiverina aho amin'ny iray sy sasany." Ankehitriny, tsy mino ny fandravàna ny lalàn'ny hafainganana izahay. Tsy mihevitra aho fa tokony hanao an'izany izahay, hitanareeo, ny hanao an'izany. Ankehitriny dia misaotra anareo izahay. Te-hilaza aho ankehitriny... .

²⁶³ Namono ny fandraisam-peony i Terry, satria izany no horonam-peo iray izay mivoaka. Heveriko fa *ianareo* dia mbola manao foana ny anareo hitohy, izay mety tsara, hitanareo, satria hiteny amin'ny fianganana aho.

²⁶⁴ Mankasitraka tokoa anareo rehetra eto aho. Ary efa nisy fotoana betsaka nieritreretako fa fialan-tsasatra kely ho ahy ity, ny tonga eto amin'ilay ambadiky ny tany efitra, araky ny iantsoako azy. Miverina avy any amin'ny tany efitra aho, avy any ambony any tonga eto, ka mijery manodidina, mahita an'ity vondrona kely eto ity eo ambanin'ireo hazo, eo akaikin'ny renirano mihitsy. Ary eo amin'ny ilany atsinanan'ilay renirano isika ankehitriny. Ary izaho—izaho—matoky aho fa hitahy anareo Andriamanitra, ny isanisany sy ny tsirairay avy. Andriamanitra, Shalom, anie homba anareo. Izany no Fiadanany.

²⁶⁵ Ary miala tsiny aho, marina tokoa, nihazona anareo tahaka an'izao, fa mba hahazoana horonam-peo iray fotsiny an'ity

ankehitriny. Fa, raha sitraky ny Tompo, dia ity no tsy maintsy ho resahako, any—any Phoenix, amin'ny Alahady tolakandro. Avy eo, ny Alatsinainy, dia handeha aho, any amin'ireo fivoriana kely, fohy, sy ny sisa. Nikasa tato am-poko aho amin'ity taona ity, raha sitraky ny Tompo... Izaho—torotoro sy montsamontsana fotsiny aho, amin'ny lafiny rehetra. Hitanareo?

²⁶⁶ Ary fantatsika rehetra fa izany no fanondroana. Fantatsika hoe inona ilay Sintona Fahatelo. Isika rehetra, isika rehetra dia mahazo an'izany. Ankehitriny, ianareo dia nahazo, hahazo an'ilay horonam-peo ianareo. Hitanareo? Ary heveriko fa hipetraka handry vetivety fotsiny izany, mandrapahatongan'ilay ora lehibe an'ny fanenjehana. Izany hoe rahoviana izany. Hiteny izany. Ho voaseho tahaka an'ireo famantaranana dimy mahitsy tsy misy fahadisoana fotsiny izany, tanteraka mihitsy. Ary heveriko ankehitriny, miandrasa fotsiny, hitanareo, mba hahita an'izay nataon'izany. Ankehitriny dia hiverina aho, mitovy ihany indray, hatrany sy hatrany, mba hahita.

²⁶⁷ Ireo fivoriana fohy. Hiezaka aho ny hahazo, hivoaka isankariva, alohaloha. Haka toy ny hoe telopolo minitra fotsiny, ka hiresaka eo amin'ny zavatra iray mikasika ny fanasitranana avy amin'Andriamanitra na zavatra tahaka an'izany. Ary na oviana na oviana no maha-vonona ahy hanao horonam-peo iray indray, dia na handeha eto amin'ilay ambadiky ny tany efitra aho, na any amin'ny tabernakala na aiza na aiza ahafahanareo manao horonam-peo iray, izay hisy antsika samy isika, afaka milaza an'izay iriako ho lazaina aho, tahaka an'izao. Saingy, hitanareo, Jesosy...

²⁶⁸ Tsarovy. Hitanareo? Tsy maintsy mitandrina aho. Rehefa nahita an'ireo olona manontolo, niala tamim-piavonavonana aho, heveriko fa niezaka naneho an'izany aho izao maraina izao. Izany no aizim-pito eo amin'izy ireo. Tsy afaka manao na inona na inona amin'izany izy ireo. Mamela azy ireo aho, hitanareo, nohon'ny tsy fihainoana. Ary nahita an'ireo zavatra izay nataon'Andriamanitra, fa mbola tsy manao an'izany foana izy ireo. Mivavaka foana aho hoe, "Andriamanitra, mamelà azy ireo." Ary avy amin'ny foko no anaovako an'izany. Tsy milaza an'izany aho satria hoe ny Mpampianatro no nilaza azy, fa tiako ny hahatsapa ao am-poko, aloha, fa tena manao marina tokoa aho.

²⁶⁹ Tsy manao ny tenako hitoka-monina hiala amin'ireo olona aho. Tsy te-hanao an'izany aho. Hitanareo? Satria izaho dia—izaho dia... Manana Hafatra iray ho azy ireo aho, "famonjena." Tsy maintsy mandeha eo anivon'izy ireo aho. Hitanareo? Ankehitriny, dia mandeha miaraka amin'ireo triniterana aho, miaraka amin'ireo Metodista, Batista, Loterana, Pentekotista, Adventista an'ny Andro Fahafito, sy ny zavatra hafa rehetra. Satria, mitady aho mba hamonjy an'izay very, raha vitako; mba

hampiditra an'Izany, haneho amin'izy ireo an'ilay Hazavana. Ary homba anareo anie ny Tompo.

²⁷⁰ Izaho dia nanana ny—ny vondrom-pivoriane kelintsika voalohany teto. Tsy fantatro na manana azy ireo ianareo, na tsia, ilay fandaharam-potoana eto. Raha ny sasany aminareo... Havelako hipetraka eto izany. Ny pasitera no hamaky an'izamy ho anareo, hoe aiza no tokony hivorantsika, ary raha sitrak y ny Tompo. Izay ilay izy, raha sitrak y ny Tompo. Tsy manana fitarihana ho azy ireo aho, mandeha fotsiny ihany, miezaka ny manao an'izay rehetra vitako. Ary raha manana olo-malala ianareo eo amin'ny manodidina, eto, izay te-ho tonga amin'ny iray amin'ireo fivoriana, nahoana, hanoraty taratasy izy ireo ka mitenena amin'izy ireo mba hanatrika ny iray amin'ireo fivoriana.

²⁷¹ Andriamanitra hitahy anareo. Mahafinaritra ny nahita anareo, Rahalahy Stricker sy Ranabavy Stricker, ary ny sisa rehetra aminareo olona eto. Ankehitriny, ny sasany amin'izy ireo, dia tsy fantattro akory aza ny anaranareo. Fa izaho—izaho dia mahafantatra anareo amin'ny alàlan'ny fanambaran'ny Fanahy Masina, hoe rahalahiko sy anabaviko ianareo. Ary—ary ny fitiavako sy ny fanajako dia ho anareo. Ary tena hafaliana lehibe iray, ny tonga eto miaraka aminareo.

²⁷² Ary fantattro hoe ahoana no—no nanomananareo ny sakafonareo hariva eto, banana sakafonareo ny fiombonana kely iray. Maniry fotsiny aho mba ho azo atao ny hahafahako miaraka manodidina. Ary—ary fantattro fa tsara izany. Izaho—fantattro fa ianareo no manana ny fandrahoana tsara indrindra eto amin'ny firenena. Fantattro fa marina izany. Saingy izaho angamba dia tsy maintsy hanao ny ahy amin'ny hamburger iray, eny am-pandehanana. Fa, na ahoana na ahoana, dia manana fifamotoana izay tsy maintsy hatao aho. Voatsinjara fotsiny ny fotoako, bitika kely *eto* ary bitika kely *etsy*. Ianareo rehetra dia mahazo, azoko antoka. [Hoy ny fiangonana hoe, “Amena.”—Mpand.] Ilay izy tsy hoe izaho no tsy te-hijanona. Andriamanitra no mahafantatra an'izany. Tsy ho tonga teto aho... Hitanareo?

²⁷³ Hoy ny olona iray hoe, “Handeha ho any ve ianao ka hitory amin'ny olona telopolo, nefo ianao afaka mitory an'ilay zavatra iray ihany amin'ny iray alina?” Izany tokoa. Tsy manao fahasamihafana mihitsy izany, ilay hahabe. Tiako ny hahita an'izay handraisana an'Izany.

²⁷⁴ “Aza atsipy eo anoloan'ny kisoa ny perlanareo. Miverina izy ireo ka hanitsaka azy ireny eo ambanin'ny tongotrareo, avy eo dia hifototra ka hamiravira anareo.” Hitanareo? Fa aza atsipy any ny perlanareo.

²⁷⁵ Ary tsapako fa, izay lazaiko eto, dia tsy manipy perla eo anoloan'ny kisoa. Heveriko fa izany dia maneho, amin'ireo

ankizy, an'ireo vatosoa izay azy ireo. Hitanareo? Hitanareo? Aiza no ahitana an'ireo vatosoa indraindray? Ao anatin'ny fotaka sy loto.

²⁷⁶ Efa mba nahamarika lisy iray ve ianareo, avy taiza izy? Avy tao ambanin'ny lavaka mandrevon'ilay dobo mihitsy. Ary miasa mafy izy, andro aman'alina, mba hamoaka ny tenany ho eo amin'ny hazavana. Fa vantany vao tonga eo amin'ny hazavana izy, dia mamony, ary ilay voninkazo tsara tarehy indrindra izay misy na aiza na aiza. Izany no lisy iray. Miakatra avy ao amin'ilay loton'ny tany izy, sy ilay fahalotoana.

²⁷⁷ Eo no ahitana an'ireo vatosoa, voasarona tanteraka ao anatin'ity fanjakana volamena'ny firenena ity. Ny ahitanareo volamena dia ao anatin'ny loto. Ny ahitanareo an'ireo voahangy sy vatosoa dia ao anatin'ny fotaka maloto. Tena marina tokoa. Avy tao isika rehetra, ilay fotaka sy loto avy amin'izao tontolo izao. Fa ireto eto ireto . . .

²⁷⁸ Mpitrandraka iray aho. Inona no ataon'ny mpitrandraka iray? Mitady volamena izy. Avy eo, rehefa manao izy, dia manao azy hamiratra. Ary kapohiny izany, dia atsoniny, ary ataony vonona izany.

²⁷⁹ *Ity* no fihadiana Volamena. Hitanareo? Mitady *eto* aho, isan'andro, an'ireo vatosoa tsara tarehy. Hitanareo? Mahita azy ireo eto, any anaty vovoka any ho any, ary mampamiratra azy ireo. Ary manao hoe, "Tompo, indro izy ireo. Indro ny rahalahy iray. Indro ny Kristiana iray nateraka indray. Indro ny ramatoa iray tsara tarehy, tanora. Indro ny vehivavy tsara tarehy iray, taona antenantenany, antitra, oadray, vehivavy tanora, na inona na inona ilay izy. Indro izy ireo, Tompo. Izy ireo no Vatosoanao. Apetraho eo amin'ny Satroboninahitrapa izy ireo, Tompo. Hamiratra mandrakizay sy mandrakizay izy ireo, tahaka an'izany."

Mandra-pahitako anareo, dia Shalom. Homba anareo anie ny fiadanana'Andriamanitra!

²⁸⁰ Eny àry, pasitera, avia eto. Eny àry. Andriamanitra hitahy anareo ankehitriny. Ary hahita anareo rehetra aho afaka kelikely.



SHALOM MAG64-0112
(Shalom)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady maraina, 12 Janoary 1964, tao amin'ny House Meeting ao Sierra Vista, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org